

四庫全書

史部

欽定四庫全書

史部

四川通志卷九上
下

詳校官監察御史臣李陽樞

檢討臣德生覆勘

總校官編修臣

王燕緒

校對官中書臣

葉葵

謄錄監生臣

劉天綸

欽定四庫全書

四川通志卷九上

人物

直隸嘉定州

雍正十二年陞為府

漢杜

撫

捷為人受業於薛漢定韓詩章句後居鄉里教授連迨宗之時馮良為尉耽迎督郵

因毀車裂冠通至

捷為從撫受業

周循

捷為人教授生徒時新都楊統從循習業統子厚亦受業於循父子俱得循傳顯名

世於

費

貽

字奉君，犍為人。公孫述據蜀，貽漆身為癩，佯狂以避之。與任永、馬信同辭散，聘蜀平。

握合浦

太守

任永

字君業，犍為人。好學博古。公孫述累徵待，以高位託青盲不至。及聞述敗，則曰：「世適

平日即清光武聞而徵之，曾病卒。」

馬信

犍為人。不仕。公孫述與任永並託青盲，及述敗，乃盥洗更視。光武召之，亦曾疾卒。

楊渙

字孟義，犍為人。見耆舊傳。子文方，冀州刺史。孫準，字伯伍，官太守、太尉。李固舉之。

楊宗

字德仲，夾江人。為益州太守。

蜀漢伍梁

字德山，犍為人。以節操稱為丞相亮功曹。遷五官中郎將，諫議大夫，與秦宓、杜微、齊

名

程瓊

捷為人官尚書與巴郡文立交後晉武帝聞其名以問立對曰臣知其人但年垂八

十秉性謙退無復當時之望不以上聞耳瓊聞之曰廣休可謂不黨矣

費詩

字公舉捷為人劉璋時為綿竹令先主平蜀以詩為督軍從事出為牂牁郡太守先

主為漢中王遣詩拜關公為前將軍公聞黃忠領後將軍怒曰丈夫終不與老軍同列不拜詩謂公曰立王業者所用非一昔蕭曹與高祖少小親舊而陳韓亡命後至論其班列韓最居上未聞蕭曹以此為怒今漢中王以一時之功隆崇於漢升然意之輕重寧當與君侯齊乎且王與君侯譬猶一體同休等戚禍福共之愚謂君侯不宜計官號之高下為意也僕一介之使銜命以來君侯不受拜如

是便還但惜此舉動恐有後悔耳公大感悟遂即拜受後羣議推漢中王上尊號詩上疏曰陛下憤曹氏篡竊糾合士衆以討賊今大敵未克而先自立恐人心疑惑昔高祖與楚約先入關者王及子嬰就降尚懷推讓今不法高祖臣愚不為陛下取也由是左遷永昌從事後主時累官諫議大夫

楊洪

捷為人為益州從事昭烈攻漢中不克急議發益州兵孔明以問洪洪曰漢中益州

咽喉存亡之機會若無漢中則無蜀矣此家門之禍也發兵何疑亮從之後為蜀郡太守事母至孝清忠端亮治國如家

張翼

捷為人建興十一年南夷劉曹反翼為庾降都督性剛猛不得蠻夷心將舉兵討曹

曹未破翼被徵當還而以馬忠代翼或勸翼宜便馳騎即罪翼曰不然吾以蠻夷蠢動不稱職故還

耳然代人未到吾方臨戰場當運糧積穀為減賦之資豈可以黜退之故而廢公家之事乎於是統攝不辭代到乃發忠因其資以殄冒丞相亮聞而嘉之後追論其功賜翼爵闕內侯

晉費

立

字建熙州人學養冲遠察孝廉王國中尉王年少好遊觀立常正色匡諫及上疏風

喻辭義尤剴切合規箴之體出為成都令縣名難治立蒞之垂績以性公亮入為州大中正累歷州郡封闕內侯永嘉六年與子并歿於邊寇

楊

彭

字敬宗弟達字訓宗捷為人各以德行稱同察孝廉彭比蘇令甘露降其縣達滇池

令殊俗懷其德

張

徵

字建興捷為人翼子篤志好學官至廣漢太守

費

緝

字文平，隸為人清，檢有治幹舉秀才累官至涪陵太守，後遷譙內史。

張

統

隸為人仕，苻秦為美水令，長安失守，呂光自龜茲還涼州，刺史梁熙謀開境拒之，未

決。統曰：「今關中大亂，京師存亡不可知。」呂光之來，其志難測。將軍世受大恩，忠誠夙著，立勲王室，宜在今日。熙竟不能用統言。後光果殺熙，據涼州。

唐仲子陵

字眉人，讀書。堯山好古學，舉賢良方正，擢太常博士，歷員外郎，及卒，惟圖書斗酒而

已。

吳審

字叔禮，隸為人舉孝廉，有文行。大中六年，客京兆，卒。時人哀之。

宋何友諒

州人，知忠州，作白居易年譜。與陳傅良所作各有發明。

田錫

字表聖洪雅人太平興國中進士累官諫議大夫奏議剴切詳明太宗稱為汲黯及

卒遺表奏仁宗謂宜慈儉守位清淨化人居安思危在治思亂仁宗惻然謂宰相李沆曰田錫直臣也贈工部侍郎錄其二子並為大理評事錫耿介寡合慕魏徵李絳之為人嘗曰吾立朝以來章奏五十有二皆諫臣任職之常言苟獲從之幸也豈可藏之以膏直乎遂皆焚之

孫拱辰

字德甫洪雅人踐行不越矩度善屬文詩尤清麗遺稿十五卷

王澤

字忠民洪雅人為雙流尉邑方改創澤贊佐有條理衆感之為立生祠陞永康主簿

百姓挽留咸稱
為古遺愛云

王夢易

字潛夫榮縣人累世同居家號義門父伯琦因川有鹽井籍民煎輸惟有祿家得免

琦請於州均之為官戶所誣齎恨以歿夢易登皇祐中進士調綿州法曹掾官至太常博士欲成父志言於三司得上聞還籍者二百家蠲歲額三十萬致仕歸里築石於雙溪之上名曰歸來亭

李觀

字用賓夾江人崇寧中進士初為號戶掾民犯法當杖守欲重其罪觀執不可知岐

山縣俗健訟持吏短長前令多不終觀撫綏善良豪猾無所貸俗遂變權成都運判時公私告匱鎮以清靜歲饑東北流民入蜀觀令散居寺觀賑以官廩活人甚多累官叅知政事卒諡曰允敏

聶英

顯謨閬學士直聲懿行朝野重之

晁武

字子飛夾江人敷文閣直學士精於詞翰著有北山集

楊岳

夾江人任崇州刺史以學行為一代鴻儒

文敦詩

夾江人年二十一薦於鄉士友交賀敦詩曰士當以踐履為要今徒事空言規進取

非古之道也益刻苦讀書思所以行其言摘錄入則孝出則弟貧而樂富而好禮數語揭之座右

勾龍廷實

夾江人政和中進士名試學士院除校書郎後知眉州作通濟堰以溉民田眉

人刻石
記其事

勾龍傳

字明甫夾江人撰春秋三傳分國紀事本末劉後漢序之稱其嗜古尊經確乎自信

云

何熙志

夾江人紹興間進士有文名是公武薦為臺屬除授御史

蘭敏修

夾江人幼穎敏博通羣書紹興中進士官至朝奉郎著論語解詩解

劉甲

字師文其先東光人元祐宰相摯之後流寓龍游遂家焉淳熙初進士吳曦叛甲以

大義拒之召赴行在遷寶謨閣直學士書有所為夜必書之名自監有奏議十卷卒諡清惠

余嵘

字景瞻夾江人官戶部郎嘉定辛未使金賀生辰會有北師至涿而返所著有使燕

錄

于震孫

字長卿隸為人以詞賦試第一調隆州錄事參軍知廣都人遵其教令一境大治累

官朝奉

大夫

薛緩

夾江人舉進士累遷祕書郎廷對極言韓侂胄之奸坐免官與魏了翁講明易理著

易解

十卷

馮拜佐

夾江人任敘州太守與魏了翁講晰周禮

尹均祥

夾江人舉賢良方正授崇寧簿撫字有聲

明梅應魁

威遠人洪武中為寧波府推官不事苛刻辨鄞縣民邵觀之誣人服其神明永樂三

年應求賢薦陞刑部

郎中歷廣東布政使

孫瑜

隸為人洪武間舉能吏累官至戶部侍郎卒贈尚書子冕守城有功授為戶科給事

中

任敏

字勉學州人年十九領鄉薦永樂間進士任官山東廉使有骨鯁聲孫有齡為翰林

庶吉士

官憲副

劉昶

捷為人仁恕好施代人完娶者四營葬者七永樂辛卯領鄉薦宣德丁未考選稱旨

擢御史未幾卒所施未竟其學紳士惜之

邢綸

字理之捷為人選於春秋登賢書任池川同知恒捐俸以贍故舊尚書席珍洗馬張

朝給事安磐少卿趙時進士譚閻楊士麟皆從學世比之龍門王通云

劉肅

字敬之州人成化丙戌進士授行人奉冊封秦府却其私餽拜監察御史按江西湖

廣風裁懋著歷

河南布政使

陳惟直

州人少以奇童名弱冠領蜀解成進士授安福令擢銓部主政歷驗封郎有鯁直聲

假歸言官交薦起補山西憲副歷湖廣左布政使卒生平名節自持在晉特黜佞臣宋之問祠祀人

服其
有識

張春

我眉人由舉人官至陝西僉事致仕歸囊無私物監司欲與以地春謝不受曰無以

是為子

孫憂

錢貴

我眉人以明經任雲南富民縣令簡重廉平邑人李義為盜所誣貴廉其冤釋之義

以三百金謝貴叱之去在邑常治國自給及卒士民哀之

張鵬

洪雅人弘治中進士授徽州府推官讞獄明允嘗忤逆瑾瑾敗乃拜河南道御史以

直聞巡視兩淮忤中貴移病家居後陞巡按山西又以論大臣謫知漳州著北還集并西巡稿

陳喆

洪雅人由歲貢任學正事親孝以經義淑人鄉閭宗族貧者周恤之

徐文華

字用光州人有節操工詩文登弘治中進士任大理評事改御史陞大理寺左少卿

以言事編戍遼陽會赦還至靜海卒與給事中安磐侍御程啟充給事中彭汝實為友一時蜀中論人物四子稱首隆

慶初贈金都御史

童瑞

州人進士歷戶科都給事敢言時弊論王衡李鑾獄疏中貴矯取太倉銀兩悉治如

法官至工部尚書屢疏

乞歸林下世宗嘉慰焉

彭汝實

字子充州人由進士授南京吏科給事中極言近習變亂與國是偏執往復萬言又

作貂璫錄以寓化導不果上罷歸居家孝謹結廬山居成就後學

程啟充

字以道州人弘治中進士為御史抗疏清監局諫獵發馬昂祕謀皆其大者嘉靖初

以議大禮謫戍十餘年放還置義田以贍宗族捐家貲以新學宮又置學田若干畝隆慶間贈光祿寺少卿

高任說

字汝霖州人少篤學性端重嘗銘其座曰程明道坐如泥塑色文肅笑比河清後舉

進士歷知鎮江府政先惠

受陞浙江提學未任卒

趙時

號為人正德間舉人歷知三郡連克巨寇有異績擢太僕寺少卿

楊仲瓊

州人進士授蒲城令定歲輪化刁頑陞戶部郎首疏清理邊儲議賑荒歎任大理守

整渠灌田釐弊黜困民請留者九年後終潼關憲副為洪雅紳耆之表

孫南

號為人達於易登進士知南城縣值宸濠叛力保城池境賴以安去南城日民泣送

之

王

詠

州人嘉靖中進士選庶吉士授御史歷官

歷時亦成進士官檢討陞中允請告歸

里卒而世詞林鄉黨稱其有世德焉

高 光

義冒人嘉靖中進士官至雲南僉事嘗捐

之

安 磐

字公石州人戶部主事祐之子登進士選

相友善時號三高陞都給事議大禮伏闕被咎家

居守禮著家禮儀節萬歷改元贈太常寺少卿

苟延庚

我眉人萬歷癸丑進士任湖廣兵備僉事

勵志廉潔公餘力學不倦罷官歸里之日

囊無餘貲

泊如也

汪紹伊

洪雅人萬歷戊戌進士授行人時蜀糧協濟貴州至江津交兌轉江督運者留難米

多爛濕民甚苦之紹伊適奉使還蜀經其地曰民瘼如此非有司者之過耶於是督運者愧謝立為貯倉民賴以蘇歷官承天知府丁艱歸不復出仕

趙楷

字憲吾捷為人由進士任御史巡山西鹺政奏免運課以母老陳情終養起雲南憲

副潛心理學

多所著述

聶汝器

字公偉捷為人年二十父俊卒於國子監旦暮悲號往負骸骨歸補邑諸生撰孝友

賦新都楊慎奇其人為作孝子行舉孝廉任唐縣令省河夫費歲減錢千緡又修南陽堤唐民肯家

馬祀

劉江

字源岷洪雅人舉孝廉授江西東鄉令歷陞桂林府知府有賢良聲擢廣西按察使

端身率屬平米凍然致仕二十餘年舉動不苟士類重之

趙正學

字子崇隄為人幼從父任耀州師事三原馬理遂傳其學性樸實口無過言尤篤孝

友舉進士歷官河南按察使平師紹尚之亂止修河之役中州士民肖像祀之

直隸眉州

漢張

皓

字叔明州人漢留侯六世孫五遷至尚書僕射後出為彭城相徵拜廷尉辨正疑獄

順帝即位拜司空多薦達天下士時趙騰因災變當伏重法皓諫曰騰本欲盡忠正諫如遂誅戮塞

後諫諍之源非所以昭德示
後世也帝悟減騰死罪

張

綱

字伯紀皓之子少明經學仕御史與杜喬

等持節分按天下綱獨埋輪都亭曰豺狼
當道安問狐狸遂勅梁冀等奸惡廣陵賊張嬰寇
亂冀乃諷尚書以綱為廣陵守綱單車造嬰壘諭
以成敗之幾嬰深感

悟乃降南州晏然

蜀漢楊戲

彭山人為漢督軍從事職典刑獄論法決
疑號為平當累拜護軍監軍出領梓潼守

入為射聲校尉所在清靜不
煩延熙間著蜀漢輔臣贊

晉李

興

彭山人密之子一名安太傅掾永興中鎮
南將軍劉弘至隆中觀諸葛亮故宅立碣

表間命

興為文

楊

邠

字岐之州人少好學砥勵名行刺史王濬

史遇流民叛亂遂破郡城獲邠欲以爲主邠不許
賊晝夜執守邠候其少怠夜急走比覺已去遠收
餘衆欲投湘州刺史苟眺共圖進取會眺降賊
邠孤軍賊攻圍之誓死不移遂卒年六十九

唐蘇

祐

州人刺史味道之後父斬唐末隱居行義
甚高祐自少極力問學穎悟過人嘗至成

都遇道士異之屏人謂曰吾能變化百物將以授
子祐固辭道士笑曰是果有以過於人矣子果果
子序序子
詢皆有成

宋段思恭

州人乾德間全師雄之黨攻眉思恭募先
登者許以厚賞賊遂敗思恭矯詔出上供

錢帛給之其後度支勅思恭太
祖嘉其果斷不罪命知州事

孫降衷

州人少博學慷慨多志嘗至洛陽見宋太祖知非常人傾心事之及太祖平蜀召

見授眉

州別駕

宋垂範

州人景德間進士知潭州有惠政後掛冠歸趙抃贈詩云休官鎮浮俗眉壽冠同年

恬養八十歲

苦吟三百篇

孫抃

字夢得州人其六世祖長孺喜藏書號書樓抃好學能繼長孺志登進士皇祐中為

御史中丞內侍王守中建節抃奏罷之張貴妃卒追冊為后抃上疏力爭累遷翰林學士承旨官至

叅知政事

卒謚文懿

石待問

州人少以詩賦名累官至太常丞時丁謂畏其直錢易竒其文楊億李諤服其議論

即此可
概其人

石楊休

州人少孤力學舉進士累官刑部員外郎
知制誥仁宗朝上疏力請廣言路尊儒術

防壅蔽禁奢侈其
言皆有益於國云

陳希亮

青神人幼孤好學其兄使治息錢希亮悉
名進家焚其券天聖中舉進士歷知數州

累官太常少卿以才幹剛直名四子忱度支郎中
恪滑州推官恂大理寺丞慥有隱名號方山子孫
去非官至
叅知政事

蘇洵

字老泉州人祐曾孫序季子兄渙舉進士
官至都官郎中洵年二十七始發憤為學

遂通百家六經之說二子軾轍同舉進士父子文
章遂擅天下宰相韓琦薦於朝除校書郎尋以為

文安簿修纂禮書卒贈光祿寺丞有文集二十卷
論法三卷傳於世初王安石名籍盛洵以其不近
人情作辨奸論及安石
用事人服其先見云

蘇軾

軾

字子瞻父洵嘗遊學四方母程氏親授以
書嘉祐二年試禮部歐陽修得軾刑賞忠

厚論驚喜疑門人曾鞏所為乃真第二復以春秋
對議居第一修曰吾當避此人出一頭地治平二
年入判登聞鼓院英宗自藩邸聞其名欲召入翰
林知制誥宰相韓琦曰軾才遠大器也他日自當
為天下用令鞏進適以累之遂直史館熙寧中王
安石創行新法軾上書論其不便安石怒使御史
謝景溫論奏其過窮治無所得軾遂請外通判杭
州復徙知密徐二州再知湖州多以詩寄慨御史
李定舒亶媒孽以為訕謫欲真之死神宗憐之以
黃州團練副使安置量移汝州元祐元年遷中書

舍人尋除翰林學士哲宗嘗召對便殿宣仁后曰
先帝每誦卿文章必歎曰奇才奇才但未及進用
卿耳軾不覺哭夫聲后與哲宗亦泣已而命坐賜
茶撤御前金蓮燭送歸院厯官禮部尚書兼端明
殿學士後坐元祐黨籍累貶詹耳更三大赦遂提
舉玉局觀歸卒於常州高宗卽位贈資政殿學士
謚文忠有東坡集
數百卷行於世

蘇軾

轍

字子由年十九與兄軾同登進士熙寧二
年上書言事召對延和殿時青苗法既行

軾以書抵安石遂出為河南推官未幾改著作佐
郎復命書南京判官元豐二年坐兄軾以詩得罪
謫監筠州酒稅五年不得調移知績溪哲宗元祐
元年召為右司諫宣仁后臨朝司馬光呂公著欲
革弊政而舊相蔡確等窺伺得失軾皆論去之又
疏呂惠卿之奸以散官安置建州二年遷起居郎

中書舍人時宰執欲稍引用元豐舊黨以平夙怨謂之調停宣仁后疑不決轍面斥其非復疏論之由是調停之說遂寢六年拜尚書右丞進門下侍郎是年夏人犯邊轍引漢武事上奏哲宗不悅落職知汝州累謫雷州安置遇赦北歸以大中大夫致仕築室於許號穎濱遺老卒年七十四淳熙中諡文定所著有春秋傳古史老子解樂城集並行於世

蘇

過

軾之子軾謫嶺海獨過隨侍嘗為文曰志隱軾覽之曰吾可安於夷矣歷官鄆城令

通判中山府皆有績所著有孔門弟子

別傳斜川集子七人薈節策筆還箭

劉 渤

州人初令溫江修建學校元符中詔求直言凡九上書辯宣仁太后之誣及司馬光

之枉乞用范純仁蘇轍斥退章惇蔡卞呂惠卿蔡京改提舉河北路常平尋坐元祐黨籍

任孜

州人以問學氣節推重鄉里名與蘇洵相上下官至光祿寺丞有能聲其弟汲亦知名

通判黃州後知瀘州皆有偉績時稱為大任小任

史炤

州人博古能文蘇氏兄弟以師事之著通鑑釋文三十卷

桂堂

州人熙寧中守威州時霸康保霸二州交惡堂自攜牛酒會二酋長諭以禍福乃降

朱台符

州人父賦官至殿中丞台符敏於詞藻舉進士累官工部員外郎屢疏極言朝廷得

失有集三十卷弟昌符亦舉進士官至屯田員外郎子公佐亦登進士第次子壽隆試將作主簿

楊孟容

州人累官至淮安軍治平間與濮議不合熙寧間議新法又不合元祐中乞致仕哲

宗書清節

二字賜之

巢谷

字元修州人與蘇氏兄弟交最深二蘇謫嶺海谷徒步訪之至新州病死轍聞哭失

聲曰谷於朋友之義誠可謂無愧矣

楊迹

青神人少好學有文名嘗謁黃庭堅論學術邪正自是學有指歸學者宗之

杜莘老

青神人甫十三世孫累官殿中侍御史後以直顯謨閣知遂寧府嘗嘆曰臺諫當論天下第一事若有所畏姑言其次是欺其心不敬其君者也及任言責極言無隱取衆所指目者悉擊去之聲振一時都人稱

骨鯁者必曰杜殿院云

王當

字子思州人元祐中蘇軾以賢良方正薦廷對慷慨不避權貴調龍游尉蔡京知成

都舉為學官不赴後京入相遂不復仕富於經學九遠易與春秋著春秋列國名臣傳五十卷

呂陶

字元鈞彭山人舉進士言新法忤王安石意通判蜀州尋知彭州哲宗即位除殿中

侍御史上疏論蔡確韓絳章惇負

國相繼罷去官至集賢殿學士

文

初彭山人父永客汴初尚在襁褓年二十至汴訪父踰年始得之暨登第封永為承事

郎安輿奉迎時人稱之

程之邵

州人任新繁主簿歷知鄭州累官顯謨閣待制攝元帥事屯兵行邊敵人聞風遁去

任伯雨

字德翁州人孜之子適於經術登進士知雍邱縣擢右正言首擊章惇章八上貶惇

處州繼論蔡卞六事居官半載所上一百八疏大

臣畏其多言俾權給事曾布惡之出知虢州黨事

起削籍編管通州徙廬州以星赦量移道

州以八寶赦提點明道官卒年七十有三

王宿

州人與同郡李由頤程之才楊明家愿楊珣楊千鈞賈勉中史彭年孫會嘉度史欽

家德基家翰劉剛楊實張儒史勵節史移中家寧史書言張縞史勤李故成彪費易等二十五人俱

元符時以上

書入黨籍

家愿

州人紹聖初舉進士為樂至令元符初應詔上書凡萬言入黨籍坐禁錮大觀初起

知雙流高宗時擢知閬州初蘇轍讀愿策謂當以直道聞果然

任諒

州人徙汝陽幼孤力學舉進士累官龍圖閣直學士知京兆府能前知郭藥師必反

嘗為懷州新學碑擬

宗見之嘆曰文士也

任盡言

州人紹興中朝臣推湯鵬舉侍御史鵬舉思退子盡言以啟賀曰以三尺之童連冠

兩科之士老牛舐犢溺愛
誰先野鳥為鸞欺君孰甚

王

歲

州人蘇軾妻兄九歲通經弱冠時軾見其
文甚愛賞歲與成都侯元叔每論古文退

即書數百言如史漢論贊元叔嘆其有良史才元
祐間屢徵不仕子光先亦登進士第以詩文名

師維藩

州人為全州文學精於春秋徽宗時興太
學國子司業高閔言建學之始宜崇老成

以誘掖後進乃以維
藩薦詔除國子學錄

楊

洵

丹稜人元豐五年進士知廣都縣
與家愿上書語切直入黨籍禁錮

李

燾

字仁甫丹稜人紹興間進士歷官祕閣修
撰同脩國史以雷震建言上嘉其諫直拜

禮部侍郎除敷文閣學士致仕卒贈太師諡文簡
張南軒嘗稱之曰李仁甫如霜松雪柏所著資政

通鑑長編
一百八卷

李 庠

憲次子官祕書省著作郎直言極諫嘗多奏議朝論重之

李 壁

憲第五子性聰慧為文精博登進士第累官端明殿學士知遂寧府平張福亂卒贈

資政殿學士著
書凡數百卷

李 璫

憲第七子登進士第入為館職有文名奏對忠謹歷官禮部尚書淳祐元年奏請周

程張朱從祀熙王安石上從
之以資政殿學士卒諡文肅

王 賞

州人舉進士累官禮部侍郎兼直學士忤秦檜意出知利州賞為文師蘇軾有玉臺

集子稱學問該洽初除直秘閣知龍州有美政累官吏部郎中嘗著東都事畧一百二十卷

孫道夫

丹稜人隨計貢辟雍生收蘇氏文除籍後以張浚薦召對言修德以回天意定都以

繫人心等事上諭宰相渡江以來文氣未有如道夫者除秘書正字累官知蜀州遇事明斷人目為水晶燈籠累官權禮部侍郎性剛直為秦檜沈該所忌云

史守道

字孟博州人通春秋登進士第官迪功郎致仕歸里所著博齋集春秋通會等書行

世

楊椿

州人舉省試第一以不附秦檜被斥紹興末始起兵部尚書兼翰林學士除叅知政

事卒諡

文安

程掌

字叔運州人豪俊明辨紹興三年廷試第一歷洋州觀察推官徒步謁真德秀於浦

城議論時事皆中機務所著雲
歸鼓吹自由編等書行於世

宇文介

州人登進士第歷官給事中與李燾同朝
遇事敢言孝宗嘗召對謂有古直臣之風

史通

丹稜人少與兄恂以文學知名歷官石碣
令有古循吏風著易經乾坤別解詩書義

論孟義子義又世務機
要十卷芻蕘策十卷

楊大全

青神人乾道中進士調溫江尉召監登聞
鼓院時光宗久不詣重華宮大全為萬言

書以諫人稱忠直寧宗時累官司農寺丞會御史
虛位有薦大全者囑一住見大全笑謝之明日遂
乞外知

金州

劉焯

州人贊讀恭王邸權尚書禮部侍郎光宗
以太子尹臨安焯為判官兼少尹佐政諸

青不便出為湖北轉運判
官知靜江府平李接亂

家大首

州人應曾孫舉進士初授昭化主簿吳曦判大酉不受其招淳祐中特講經筵累官

工部侍郎與宰相史嵩之論不合罷去大酉為人方直雖遭遇數奇所守不變卒諡文節

唐 瞻

丹稜人唐庚之兄一名白虎字望之治春秋皆有家法

唐 庚

字子西丹稜人善屬文舉進士遷承議郎卒庚為文精密作察言諸篇遂為士林所

賞

楊 明

丹稜人累官朝請郎知合州以清節著

樊漢炳

青神人歷官尚書才望著聞

唐文若

丹稜人庚子少英邁不羣為文豪偶登進士第

楊煒

青神人為文通敏官修職郎

楊汝明

青神人舉進士為成都觀察推官吳曦叛汝明不受其招曦平宣諭使吳玠以聞遂

召入累遷工部尚書

楊棟

青神人汝明從子紹定間進士為宗政少卿廷對以正心修身之說進且云臣所學

三十年止此一說至為易簡累官禮部尚書叅知政事以資政殿學士卒贈少保所著有崇道集平

舟文

集

楊文仲

棟從子幼孤母胡氏守節自誓教養諸子文仲遠於春秋實祐初登進士累官太常

丞兼崇政殿說書以積誠感帝意官至工部侍郎兼國子祭酒後知泉州卒有見山集行於世

楊泰之

青神人字叔正少刻志力學慶元初應試調瀘州尉歷知果州皆有異政寶慶間召

對謂今以直言求人而以直言罪之使天下士以言為戒恐士氣益消沮矣理宗奇其對遷大理寺少卿出知重慶府主鴻禧觀卒

明左

經

州人洪武初任興山教諭博通經史人稱左五經蜀士有聲者多出其門所著有武

昌集行
於世

譙

明

州人任御史巡按廣東鋤治豪猾廉介剛直改按雲南雪冤婦按撫苗夷邊宇寧戢

余

祥

青神人任戶部郎中歷官廉介篤於故舊奔父喪負一篋過眉人飲以酒即於篋傍

滙地者三主人謂之曰此吾友骸骨也吾負歸欲葬其鄉耳其好義如此後以子子俊貴贈都御史

余子俊

祥子登景泰辛未進士成化間為戶部郎有幹濟才遷西安知府城中井惡飲者多

病乃為渠引澆水入城中人呼為余公井又開洪口灌溉民享其利歷官都御史巡撫陝西於榆林鎮修牆千餘里屯守有方以功晉兵部尚書總督三邊尋致仕復起為尚書加太子少保鎮大同名譽益彰以疾卒諡肅敏姪襄登進士官至戶部主事子真錦衣衛同知以忤逆瑾改南京孫承恩襲父職改四川都司充永寧叅將承勛登進士官至翰林修撰承業登進士官至雲南僉事

楊榮

青神人為政興利除害復通逃者七百餘戶時有虎夜入城傷人榮禱於城隍祠虎

死廟前歷

官叅政

余寰

青神人子俊姪弘治間進士授戶部主事有能名識大體語及邊務輒能道其山川

險阻慨然有用世之志後以督餉功遷員外郎進階奉訓大夫

王一麟

青神人弘治中進士授歙縣令補戶部主事從總制叢蘭分理邊務轉餉有功陞員

外郎致仕家居後進視為楷範

張愈嚴

州人由刑部郎出守南康當兵變之後勞心撫恤卒於官士民號泣祠祀名宦

張景賢

愈嚴之孫備兵洞庭解散羣盜又禦倭於狼山大捷世宗賜金帛擢至右僉都御史

以不合時相閑住詩文書法俱臻絕妙

直隸邛州

漢林

閻

字公孫川人揚雄嘗師事之

陳

立

州人成帝時守牂牁討平寇亂又徙巴郡再守天水治績為天下最天子賜以金帛

後為左護軍

晉常

勗

字修業大邑人察孝廉除鄭令為政簡而不煩鄭父入蜀破諸葛瞻於綿竹威振西

土諸縣望風降下勗獨率吏民固城拒守後主檄令降詣父刺史袁宏嘉勗志節辟為主簿

常

忌

字茂通勗從弟喪親哀戚以孝聞察孝廉為郎使吳稱職晉武帝踐阼拜騎都尉除

河內令州號為難治忌挫折豪勢風教大行入為州倖方議為郡守會卒

唐梁

震

州人登進士遊中原道出荆南為高季興所留甚重之震恥為所污只稱唐進士終

宋計用章

字虞卿州人天禧中章年十八登進士通判延安時范雍為帥章勸其修城練兵以

備不測雍不聽及元昊圍城台問策用章以一死報國對會大雪圍解歷官至都官員外郎

計有功

用章之孫其父良輔慶歷三年進士有功凡好學有至行所著有唐詩紀事行於世

費孝先

大邑人至和初嘗遊青城董正圖書舍環其竹杖欲償其值正圖曰成故有數何償

馬孝先祖其側書曰某月日為費孝先壞遂大驚歎因師事正國授以易學孝先遂以術名聞天下

李絢

字公素州人舉進士累官起居舍人龍圖閣直學士仁宗春秋高未有繼嗣因侍記

高謀還奏賦其指言遠嬰寵近賢良則子孫蕃衍仁宗嘉納之

趙高

州人舉進士為汾州司法叅軍郭達宣撫陝西辟掌文書多所建明夏人入寇俘馘

有功累官龍圖學士帥延安元祐中進端明殿學士

陳宥

州人熙寧中上書論蔡京之奸號白衣御史

常安民

州人年十四入太學有賢名熙寧中進士累遷御史論章惇蔡京之奸峻直不回京

用事詆為黨籍流落終身後贈諫議大夫

吳時

州人進士知鄭縣徽宗時為司業出提舉河東常平童貫經畧北方時因進對言必

連亂王黼怒斥之尋為徽猷閣侍制敏於為文未嘗屬藁人目之曰立地書厨

常同

州人安民子政和中進士除太常博士紹興初知柳州首論明黨之禍除殿中侍御

史又言和議先振國威則和戰常在我若一意謀和則和戰常在彼人服其言後以顯謨閣學士知湖州卒葬嘉興子孫家焉

李僑

州人紹興中進士時光宗不豫久未朝重華宮僑初釋謁即慨然上疏曰祿不逮養

乞將所得官資回贈二親冀以感動上意朝論偉之

魏了翁

字華父蒲江人本高姓出繼魏氏慶元中進士歷官秘書樞密院事忤史彌遠謫官

卒謚文靖贈秦國公了翁潛心闕閤之學築室鶴山授徒講學學者稱鶴山先生弟文翁為眉山尉

俱祀鄉賢

魏文翁

登進士任眉山尉後知敘州嘗讀書思貽父母令名自號果齋

張行成

字文饒州人自號觀物先生魏了翁稱其得易數之詳大畧因象以推數因數以推

理得朱子

本義之旨

高定子

字瞻叔兄稼以忠烈著定子博通六經累官端明殿學士僉書樞密院事兼叅知政

事嘗以事忤史嵩之謫官卒贈少保其所歷之州縣以教化為先所著有存齋文集比門類稿

高斯得

稼之子少從李坤臣學坤臣失明斯得嘗扶侍之紹定中成進士授利州路推官歷

史館檢閱稼死事於沔斯得奉遣散歸葬累官叅知政事

明張思誠

大邑人洪武中進士任山東按察司副使聲績赫然

張如壘

州人由舉人歷官知府居官清潔後以懃直不徇時好致仕歸里始終一操鄉評推

重之

梁

謙

州人永樂中進士累官浙江提學士林向服有公明神速之語致政歸田廉靜自守

鄉里

推焉

孫之益

字六吉州人萬歷丁未進士歷任太僕寺卿天啟時同鄒元標等劾奏魏忠賢欺君

擅權觸忤瑞貴解職家居崇禎元年忠賢伏誅起復仕至浙江巡撫

王廷簡

州人登進士初知江陵即抗權相被黜未幾復起用歷陞廣西副使所在有惠政退

歸家居三十餘載晉階二品屢薦不出所著有警愚筆記今賢懿行錄鄉間則之入祀鄉賢

劉應辰

州人孝子文恂之子兄弟九人皆篤友于誼應辰尤多隱德教子綱紀俱成名

劉

綱應辰子登進士才學敏裕館選未幾即疏
諫弭災極論元輔朝論憚而服之尋左遷

外職卒於家有館閣草並
弟紀所作合為二劉文集

劉

紀應辰次子幼清而慧弱冠領解著有劉子
宥生等編西南之士多負爰錯趾其門任

漢陽令年餘有異政思母老不能迎養和歸去來
辭韻一篇拂袖而返囊橐蕭然隱居葫灣山中未

幾
卒

直隸潼川州

雍正十二年陞為府

漢文

泰

州人守益州不從
莽述光武嘉之

鄭

紀

字長伯射洪人仕至永昌
太守以廉潔稱圖形東觀

譚

顯

字子誦射洪人師事司徒魯恭以孝舉歷豫州刺史收捕盜賊千餘憫其困苦陷罪

釋之乃自劾詔置勿理仕至長樂衛尉

王

渙

字稚子射洪人舉茂才初為河內溫令縣多奸猾渙以方畧擒誅之由是道不拾遺

夜不開戶民歌之曰王稚子世未有平徭役百姓喜遷克州刺史部中肅清拜侍御史又為洛陽令公平廉正發奸摘伏京師稱以為神病卒百姓痛哭為立祠祀之永初二年詔曰故洛陽令王渙秉清修之節蹈羔羊之

義拜其子石為郎

馮

灝

字叔宰射洪人累官至越巂太守所在著政聲避梁冀隱居作易章句及刺奢說

恬然
終老

王堂

字伯敬，射洪人。初為邑郡太守，舉孝子嚴。

汝南太守舉陳蕃為功曹，應

嗣為司隸校尉，時號知人。

蜀漢王商

字文表，堂之孫。博學多聞，仕至蜀郡太守，有懿德高名。

李朝

字偉南，射洪人。益州別駕從事，與弟邈俱以文稱。號二龍，常面諍。昭烈時，稱骨鯁。

杜徵

字國輔，州人。任安弟子。先主定蜀，稱疾不出。建興二年，孔明簡舊德以為主簿，與而

致之。固辭。孔明曰：「君但當以德輔時，不責以軍事，何為求去？」乃拜諫議大夫，從其志焉。

李

誤，字欽仲，射洪人。從梓潼尹默講學五經諸子，無不該博。後主以為太子庶子，嘗著古

文易書毛詩三

禮左傳指歸

晉李

穀

字允剛射洪人朝之子少敏達年二十餘詣郡太學受業太守王濬臨講問祭酒姬

曰童冠八百而成者百人豔對曰可有百人起之言明府之教盛於孔門不為少也濬奇之引為主簿後從濬伐吳與何攀並為參軍吳平封關內侯歷寧州刺史加龍驤將軍封成都侯諡曰武

李

苾

字叔警穀從弟也自少砥礪名行仕魏為太守以清儉履道稱

王

化

字伯達王商之孫父彭為巴郡太守化兄弟四人少有令望蜀漢時化除關中令為

政清靜察孝廉入晉復察孝廉為樂涪令縣近邊塞值夷人反化率吏民積穀堅守夷斷道重圍伺敵急情出軍擊之民得野掠適大軍驟至夷乃退化以功封為關內侯年七十有二卒

王振

字仲遠化仲弟亦有德
任廣都令巴東太守

王岱

字季遠化叔弟勤恪
居官歷廣陽作唐令

王崇

字幼遠化季弟學業淵博雅性洪粹舉秀
才尚書郎陳壽同入京洛為二州標雋仕

至蜀郡太守
所著有蜀書

王長文

字德叔射洪人天安聰警高暢敏識治五
經博綜羣籍州三辟書佐不就武帝時刺

史胡

羅辟從事祭酒長文佯發狂疾步擔走出門

羅累

請還遂歸家養母講學著書以母欲祿養成

寧中

領蜀郡太守後因喪去官民思其政復起應

梁王

彤辟從誅賈氏有功封國內侯卒年六十四

龔穎

遂寧人益州刺史毛璩辟為從事璩為熊
縱所殺佐吏並逃穎獨奔赴殯送以禮後

縱僭位禮徵不起脅以兵刃執志彌堅竟不屈節

唐符偉明趙元淑

俱蓬溪人楊炯長江賦及孔子廟堂碑稱偉明元淑為鄉望所重以

詩禮化俗云

陳子昂

字伯玉射洪人父元敬歲饑出粟萬石賑鄉里子昂年十八尚未知書輕財好施一

日入鄉校感悔力學舉進士武后時拜麟臺正字請興明堂建太學語多切直拜右拾遺時吐蕃入寇為邊患最甚后方謀開蜀山因雅州道剪生羌以襲吐蕃子昂上書諫止之武攸宜以其儒者謝不納居數日復進計攸宜怒徙署軍曹聖歷初以父老表辭官歸養父喪廬冢次縣令段簡貪暴聞其富欲害之家人納二十萬緡簡薄其賂捕繫獄中子昂初見捕自筮卦不吉果死於獄年四十三

人愛惜之唐興文章承徐庾餘風子昂始變雅正
初為感遇詩三十八章王適曰是必為海內文宗
乃請
交焉

陳光

字孔明子昂長子登進士官至朝議大夫
詩入正聲集宋譜云是子婉美前後難兄

難弟並秀光宗學
有淵源政多助贊

陳易輔

光長子明經進士仕至監察御史與
弟簡輔齊名決獄發奸宦業顯著

張九宗

遂寧人以儒業起家仕至御
史遂寧文學自九宗倡焉

王慧

州人博學能文仕至左
補闕後遷通州司馬

李湛

射洪人義府子真西山嘗曰義府奸邪人
也其子湛以忠義聞若湛者洵可謂蓋父

之愆
矣

李浦

射洪人著有補履書十餘卷世號補履先生時宰相張延賞表拜右拾遺正色抗辭

朝堂
敬憚

嚴昌文

鹽亭人歷官至御史以言事不合黜為合江令卒於官葬合江號為端正公墓云

嚴震

鹽亭人與兄忱登進士詞氣豪贍累遷山南東道節度使進同中書門下平章事建

中間韋正狀其治行為山南第一
德宗幸鳳天進封太保卒諡忠穆

嚴礪

震之從祖弟貞元十五年以興州刺史兼御史大夫出為山南西道節度使寬明儉

惠嘗疏嘉陵江通澧水以溉民田州民德之元和元年以檢校尚書左僕射改東川節度使平劉闢

拔劍門守險
功居第一

宋趙延義

中江人兼通三經以術數擢判司天監與藝祖論五代漢祚短促由慘刻非天數時

議誅蘇逢吉劉錡族
聞延義語遂貸之

蘇易簡

字太簡中江人太平興國五年狀元以文章知名徐鉉稱其孝誠可以表人子篤學

可以編後進好尚可以激偷薄言行可以型有位累官翰林學士承旨眷遇賈絕御書玉堂之署賜之累官叅知政事出知鄧州移陳州卒贈禮部尚書

汝顏

州人舉進士調鳳州幕職年未老請致仕仁宗嘉其高尚特授太子舍人

馮宋

州人太學生與陳同伏闕上書遂被黜落

謝金

字子真州人太平興國五年進士少居五龍山以詩自娛其詩平澹有韋柳遺風

楊鄂

州人有文名寇萊公比之相如王褒之儔仕至兗州判官

牟哀

字君華中江人端拱元年進士少負奇志嘗受學於普州多岳以文章著名累官翰林學士

書自娛有詩文行於世

于至

遂溪人七歲能屬文十七歲遊京師端拱五年及第上書十餘萬言時文章襲五代

遺風至自出機軸嘗作蓬萊宮賦寇萊公準甚重之

馮光戩

安岳人時李順已平諸將縱殺降附解體光戩白大將楊瓊止之自是降者以千數

景泰

州人字周卿天禧三年進士受坊州軍士推官通判慶州上言元昊必反又上邊臣

要略二十卷平戎策十五篇使知寧原二州以奇兵敗元昊於彭楊取鎮陽賊不敢犯後陟秦鳳路總管

張

述

字紹明州人景祐元年進士為大理寺丞仁宗未有嗣述上言繼嗣為國之本宜擢宗親之賢者異其禮秩試以職務俾內外知聖心有所屬前後凡七上語最濃切仁宗不以為罪歷知數州皆有政績累遷尚書職方員外郎

姚

渙

州人景祐中進士初監宣州交子務發奸隱為營主吏法常死渙曰殺人于澤非吾志也義不赦奸而已願不受賞於是全活者衆知陝州宜都以盜獄上渙疑之移核他有司無何果獲真盜徒知涪州民夷信服終光祿卿

文同

字與可，鹽亭人。皇祐元年，以博學宏詞登進士。官至湖州太守，興利除害，不避權勢。

同善詩文，篆隸行草，飛白又善畫竹。文彥伯奇之，曰：「辭懷灑落，如晴雲秋月，塵埃不到，與蘇軾交最善。」軾嘗為同作員峯谷記、畫竹記。

詩篇倡和尤多，同著有丹淵集。

傅者

字伯成，州人。少勵志學，古年十四舉於鄉。時同漣溪，到合州，因陸小溪知者，以書通

記者往合州，從之講明理學。登皇祐六年進士，歷知漢州。至今遂寧，稱耆為理學名儒。

蘇舜欽

字子美，中江人。易簡孫，少有大志，好古文。與歐陽修友善，修服膺其文章，行誼以

為一時寡二。杜衍愛其才，以女妻之。舜欽弱冠，范仲淹薦為朝召試，集賢校理。極言時政得失，忌者中之，坐黜廢。寓吳中，築滄浪亭，詩歌豪放。卒年四十二，修為作墓誌，祭文，惋惜之情一篇中三致意。

馬

蘇舜元

字才翁中江人任氣節善詩歌工草書歷仕至三司度支判官所著有才翁集行世

蒲規

字正臣安岳人有文名為洪雅令始以嚴治終以仁濟洪人德之

杜田

安岳人以文章孝行舉歷江寧府教授終大邑縣丞所至有聲著杜詩補遺正謬行

世於

馮如晦

安岳人進士性明察遇事果斷范純仁帥環慶時有訟純仁不法詔置獄寧州命如

晦往訊

力辨其誣富

弼韓頴

有詩述其事

楊天惠

州人熙寧二年舉進士知雙流縣多著政績文詞有西漢之風蘇軾稱許之

馮山

字允南安岳人熙寧末為祕書丞通判梓州鄧洵武薦為臺官山以不諳新法辭不

就退居二十年范祖禹薦為朝官至禮部郎中所著春秋通解十卷允南集十卷

王

維

射洪人元豐元年進士任至崇州太守清節著聞

馮澥

字長源山之子元豐中進士靖康初召為左諫議大夫遣尚書左丞紹興間以資政

殿學士致仕卒郡人張庭堅以言事斥象州死妻子流離澥力賑其家

趙開

字應祥安岳人元符二年進士為成都路轉運判官建炎初提舉陝西茶馬權酒法

時張浚治兵秦川犒賞所費取辦於開而資常有餘

馮楫

字濟川蓬溪人自號不動居士政和八年進士為正字紹興中知涪州奏免瀘敘長

寧招兵之擾仕至數文閣直學士左中奉大夫

馮康國

初名轄字元通遂寧人建炎三年進士高宗次杭州轄為節制參議苗劉之變張浚

遣轄諭以禍福二凶稍戢孟后垂簾補兵部員外郎更名康國歷官顯謨閣知慶州紹興十一年卒

劉鳳儀

字韶美遂寧人紹興二年進士累遷禮部郎孝宗受禪欲上光堯冊寶鳳儀言乞候

欽宗終制尋遷兵部侍郎兼侍講御史張持國言其書癖曠廢職事斥歸後起知均漢梁三州

李蔓

字修儒遂寧人隆興中進士初知瀘州建招撫策所至興利除害仕至利州提點刑

獄

楊甲

遂寧人乾道二年對策言恢復之志不堅者二事上覽對不悅置第五賜文林郎清

議推之而

官未顯

楊輔

甲之弟進士及第累官龍圖閣學士兼江淮制置使歷兵部尚書愛君愛國知無不

言言無不切兄弟五人自為師友以孝聞諡莊惠有文集十卷

杜孟

樂至人讀書大學因童貫蔡京用事幡然而歸嘗訓子孫曰忠孝吾家之寶經史吾

家之田號為

寶田杜氏

姚希得

州人嘉定元年進士授小溪簿調磐石令更調嘉州司理參軍歷知慶元府發廩賑

饑奏蠲逋負百萬石民賴以甦名為國子丞累官

兵部尚書疏言用人才修政事治甲兵惜財用四

事拜端明殿學士乞解機務以資政殿大學士潼

川郡公致仕卒贈少保寧宗嘗言希得才望堪為

閻帥所著有續言
行錄並奏藁等集

吳泳

中江人嘉定中進士歷著作郎屢抗疏直
言遷寶章閣直學士嘗上言養心以清明

約已以恭儉進德以剛毅帝深
嘉納歷知溫泉州有鶴林集

吳昌裔

字季永中江人泳弟好程朱書研繹不倦
舉進士歷監察御史遇事敢言慮蜀貼危

條定規模審功賞訪軍實儲帥才四事以進徙為
大理少卿以寶章閣待制致仕卒諡忠肅有儲鑑
奏議四書
講義行世

袁廓

州人由國學生仕至三司戶部侍郎
歷守四郡清聲直氣為世所重

元趙成慶

州人累官御史中丞卓有
風裁激濁揚清官吏畏服

張谷寶

州人歷官御史遷平陽路總管德洽於民政聲清肅

崔洪範

中江人同知涿州累遷西臺御史剛直嚴明名播朝野

許維禎

遂寧人為淮安判官屬縣鹽城有二虎為患維禎默禱神祠一虎去一虎死祠前境

內旱蝗禱而得雨蝗亦息歲無雪民多疾禱之雪深三尺朝廷聞其衷褒獎之

謝端

遂寧人累官翰林直學士朝廷制策多出其手時稱有史才著正統論傳於世

文禮愷

遂寧人登延祐進士文章雅重於時人羨為朝陽鳴鳳

明陳漢

鹽亭人元末徐壽輝據新黃漢為萬戶率所部攻之洪武初歸附嘉其知幾拜大將

軍都督府斷事後乞休太祖賜以歌有罕希老人七十餘虎頭猿臂蒼髯鬚之句

王文貴

中江人洪武間進士自縣令歷大理少卿居官清慎時論推重之

陸必壽

中江人洪武間貢生拜御史巡按江西及河南皆有聲望

甘應

樂至人洪武間監生擢廣東鹽課提舉政績著聞累官布政使司致仕歸家崇祀鄉

賢

席復

遂寧人嘗從吳澄潛心經史洪武十三年劉基宋濂薦應賢良方正授潼川學訓與

諸生講濂洛心性之學以年老致仕歸號橫岡先生

黃勅

中江人少穎異以奇童稱舉明經為學博著述甚富年八十卒

王璵

遂寧人永樂間編修才思敏捷與解縉等而華藻過之後居吳為寓公卒

徐英

中江人景泰間進士任給事中
立朝方正抗直不撓官至都御史

楊冕

安岳人天順元年進士授階州知州
庚寅西番據石城叛都御史項忠薦冕以僉事

整飭平涼固原蘭靖兵備俘獲甚衆後沙

克嘉斯發寇邊募兵捍禦有功擢副使

王璿

安岳人天順間進士知臨淮潔已愛民政
聲大著擢監察御史以抗論黜知宜都又

歷宣城江陵咸有嘉績擢

倅楚雄歷尋甸知府卒

堯

卿

字廷輔安岳人甘貧務學登順天己丑進
士知昭化縣有異政擢太僕丞知銅仁府

咸著苗疆

黎民安堵

李常

字恒吉安岳諸生累困棘闈晚由貢分教
莊浪衛學訓課不倦始終以清苦自持士

人化之致仕居家鄉人觀其動止以為步趨其見信於人若此

吳憲

字廷章安岳人弱冠領鄉薦屢上春官不第授郫縣教諭文學教化鳴於國中秦隴

聞風來學者約數百人尋轉國子助教成化初特陞翰林院檢討與修國史以疾致仕

于瀛

字登賢安岳人登京閒賢書父孟暉卒京師扶柩還葬徒跣萬里後判滋江府民有

冤獄力辨其誣再判

金華府尋卒於任

章憲極

字錫疇安岳人貢生以鄉舉任彭山令有治聲

李萼

字完之安岳人成化間由舉人任陝西慶陽府通判尋陞同知以余司馬子俊薦授

山西僉事儲備賑荒有惠政歷陞福建按察使平反冤情僚吏服其明決卒於官崇祀名宦

王縉紳

安岳人進士歷官監察御史按浙江先後章奏皆見推行擢湖廣僉事懇乞致仕歸

不入城市與楊冕等講學於真南書院士無遠近負笈從遊稱真南先生

席書

遂寧人弘治間進士初知郟城興水利墾荒田歷戶工二部主事作漕河志時雲南

書晦詔考察雲貴諸官吏公疏言致災之由在朝廷不必苛責臣下擢河南僉事請截漕米賑饑累遷福建布政使宸濠之變發帑金募兵討之陞湖廣巡撫擒豪民除貪吏進南京兵部侍郎江淮大饑條上賑濟策全活者數十萬又議大禮稱旨被召累陞禮部尚書武英殿大學士卒諡文襄

席春

書弟正德丁丑進士選翰林庶吉士授河南道監察御史差雲貴清戎大著風裁嘉

靖初條上中外利弊上嘉納改翰林檢討進侍講學士充經筵講官多諷諭規教上寵遇甚渥進學

張庠

達溪人正德間進士歷官貴州兵備副使都勻黠猺連年負固庠整兵直擣其巢執

渠魁釋脇從猺人

畏服稱小諸葛

黃珂

遂寧人由縣令歷尚書有介直譽宸濠奏求護衛珂堅執不署時人以為難卒謚簡

肅

黎希哲

樂至人正德間歷訓西平安寧二學陞教諭有文行卒日門人哀之今里中稱醇謹

者必曰

黎氏云

王完

州人正德辛未進士授廣信府推官遷貴州道監察御史巡按應天上疏請立朱子

後於徽州復置五經博士一人宣城例貢雪梨完疏其物微而應貢甚艱言甚剴切特俞報罷永著

金
為令歷官十年乞
歸享年八十卒

歐珠

州人正德六年進士授行人簡任雲南道
監察御史以謇直著聲巡按兩浙時杭州

織造太監張志聰十年不完工珠下左布政馬卿
議裁色料志聰因誣構卿下詔獄珠疏救且劾志

聰有旨責珠謫判

商州轉知滑縣卒

白賁

州人嘉靖間進士授行人選廣西道監察
御史入臺中凡七疏發嚴嵩之奸辨夏言

之枉時世宗以中宮不遜下勅輔臣議行貶斥賁
伏闕力諍辭極悽惋出按雲南屢檄安南入貢修
藩臣禮至今南
中稱名御史

周贊

州人由鄉薦任湖廣夷陵知州多惠政歷
陞知鶴慶府鶴慶舊無科第贊改遷學宮

晉貴州參議兵備畢節土酋叛
督兵征勦俘斬甚衆邊境以安

譚 閻

遂溪人正德間進士歷陝西副使備兵固
原始議修築邊牆永為保障邊有鐵鑄泉

番人數飲馬於此閻
分兵守之不敢近境

余本實

遂寧人正德間為御史巡按雲南
有聲後轉河南副使忤逆瑾罷歸

王 瑄

遂寧人正德時任都給事中
以建言罷歸遂閉門絕請謁人多賢之

楊 名

遂寧人正德中官翰林編修上疏忤權貴
免官家居敦行著書時論推重隆慶改元

贈光祿
少卿

余方山

遂寧人舉孝廉與王陽明遊得傳良知
之學所著有五經四書實解崇祀鄉賢

新以

安

陳

講

遂寧人嘉靖中歷直隸山西提學所至造
有人材卓有成就歸休著茶馬志如鳥集

等書海
內重之

黎堯勲

樂至人嘉靖十四年進士授泰州知州泰
州田賦不均堯勲特上疏請均丈定額部

覆允行且令天下有田賦不均者俱宜清丈
定數著為令歷仕至陝西叅政陞太僕卿

楊維璧

樂至人由選貢官夷陵州知州時有天下
第一清官之譽致仕歸置義田以助族人

享年八十

卒祀鄉賢

楊澄

射洪人舉進士官監察御史巡按兩淮於
泰州築隄百二十里置鋪周道商船稱便

遂名楊公隄後達大理少卿歷遷都御史巡撫山西所在皆有政績子最以忠節著聞

湯紹恩

安岳人嘉靖丙戌進士歷紹興知府瀕海潮至多滄沒田舍紹恩議築隄建閘以時

蓄洩闢田至數千畝越人歌之曰泰山巔高於天長江水清到底功名如山水萬古留青史立祠崇祀後歷陞山東布政使卒於官

黃華

遂寧人從遊湛甘泉之門舉嘉靖十一年進士歷戶部郎知松江府奏上正風俗等

十二事切中時弊又督餉有功陞江西副使歷布政使晉光祿卿一日內官奉旨取光祿寺銀十萬兩華抗旨僅以半進時論偉焉告歸昌明道學激引後進尋卒帝悼惜賜祭一壇特予葬賻著有麟經解義並詩文集十二卷

激勵後進科第至
今不絕入名宦祠

張錫命

字月沙州人
之裔孫進士歷
官御史巡按兩淮卓有聲稱

謝東山

射洪人嘉靖中進士授兵部主事歷郎中
累官至右僉都御史巡撫山東馭歷中外

者二十年著述有近譬軒集四十
卷詩抄四十卷詩話四卷行於世

王維賢

中江人嘉靖十一年進士授河內縣令政
務節愛調江都去任日士民遮道痛哭維

賢口占云哭聲載道擁如林我亦歔歔淚滿襟莫
道人心不可感感人未或是真心遭刑部主事歷
陝西亦議分守慶陽飭武備邊境晏
然會丁銀歸遂不復出年九十卒

譚宣

蓬溪人知河源縣時巨寇陳孜剽掠邊鄙
民被屠戮宣以誠諭之賊乃解散鄰境亦

譚

績

蓮溪人由進士以行人選授江西道監察御史議禮杖於闕廷又參論貴戚強奪民

田幾中奇禍繼又勅掌院汪列先以揭帖呈堂列讀之面發赤云吾亦至此乎績對曰御史無狀據所聞不敢隱也聞者吐舌十年陞信陽兵備副使致仕卒

張

肅

州人由鄉薦授承天府通判時留都兵變劫戶部侍郎憲府檢轉餉者難其人肅毅然任之又委督修隄功不三月告成隄計百八十丈楚人德之為立祠焉陞普安州知州遂投檄歸

著鹿峰諸集行於世

張二南

州人由鄉薦授南鄭教諭陞通渭縣令縣舊土城二南盡易以石不勞民而城工成撫

按交薦之帝賜以金擢守商州踰年移所治營造新州賜名興安商民賴之

張正道

州人授豐城縣令歷陞福建僉事值武林兵變調鎮台州飭紀律覈軍餉兵民安堵

因思母寢疾卒於官著有觀察文集十二卷行於世

王任

州人萬厯初進士授戶部主事尋轉刑部郎恤刑湖廣多平反陞陝西叅議有邊功

賜金綺進河南叅政駐汝南賑荒殲寇以功進福建右轄卒於任

張正學

州人萬厯中進士以中書舍人選吏科給事中時神宗久不臨朝乃上言宜延見宰

輔委任大臣召用言官監察兩宮工程因極言蜀省採木諸弊皆嘉納之值三殿災又雷震西安門諭諸臣修省輔臣有調停採礦欲責成撫按部臣歲額為令正學因上疏極言其非且謂山澤寶藏當為地靈發為山輝鍾為人傑若斷斷其脈則協氣不流而災沴生焉疏入調貴州宣慰司經歷卒

著有道德經訓旨
澹如齋文集行世

白恂

州人少博洽性謙謹由明經授成都訓導
陞楚雄縣令以奉入代為貧民輸賦滇民

有白老佛之稱致仕歸年八十卒無以為斂親故助之

李長芳

州人萬曆戊午舉人居家孝友授
寶雞教諭課士有方崇祀鄉賢

張任學

字留孺安岳人天啓乙丑進士初授太原
令未幾調繁榆次崇禎間以廉能擢雲南

道御史屢有建白懷宗嘉納之書其名於御屏遂
命巡按兩淮先是賊犯鳳陽賊去陵旁有窟疑為
賊掘命中使驗之自鳳撫以下論死者數十人任
學按其事見窟小而曲無鍬鍤痕語中使曰狐穴
耳非掘也上其狀各官得減死時賊遍河南推臺
臣監軍皆不欲住任學毅然受命且憤諸鎮養寇

疏請改總兵職銜討賊拔罪弁羅岱為中軍運籌
分布有羅山襄承隨棗汝許諸捷會有忌功者遂
解組歸菽水承歡蕭然寒素崇禎
末仍以直指起之而任學已卒

王

伉

字偉軒州人進士歷官太常少卿忤權璫
魏忠賢掛冠歸里崇禎間起巡撫雲南時

臨安土官普名聲肆行不軌伉奏聞督兵勦之功
將成名聲賄當路劾以啟釁遂被逮論死臺臣申
救得改戍遇赦歸普逆無所顧
忌更為滇患後詔起伉伉已卒

李

實

字如石遂寧人崇禎中進士為人方正清
潔於書無所不讀令蘇州長洲縣民懷其

德遂寓於蘇市隱者三十年著述甚富子仙根以
鼎甲歷官戶部侍郎實衣粗食澹如未有祿養者

年八
十卒

蒲來舉

蓬溪舉人初任陝西醴泉調劇甘泉縣奉
解京餉數十萬響馬數十人入城搶劫一

縣居民盡逃來舉主僕二人堅守銀扛
持刀殺賊數人被害事聞贈太僕寺卿

呂大器

字東川遂寧人崇禎戊辰進士初授行人
擢吏部文選郎遷陝西關南道副使尋巡

撫甘肅計誅悍弁邊境晏然擢兵部侍郎時賊寇
江西命大器督勦乃密布方畧遣將於衝袁萬載
萍澧諸路撲賊殆盡

丁艱歸哀毀骨立

楊騰龍

射洪人天性孝友好善樂施以子應魁貴
贈中憲大夫邑中人士公舉鄉賢亦准入

祀

直隸瀘州

周尹吉甫

州人宣王時北伐獵狁有功詩人美之曰文武吉甫萬邦為憲

蜀漢董允

州人仕為侍中兼尚書令秉心公亮專獻納之任武侯稱為忠亮死節之臣後主寵

宦者黃皓皓畏允終允之世不敢為

唐先汪

州之南里人七歲日誦萬言貞元中舉神童後授合江令

宋劉望之

字叔儀合江人紹興間進士宰相沈該薦授學官遷祕書省正字著有觀堂集

趙通

州人有文武才時夷酋卜漏剽掠通行部昌州與別將分道追及獲卜漏斬之

許沆

州人累官太府少卿該博善文詞有章奏賦詠雜著行世

毛璞

州人乾道中進士歷侍中終廣憲凡所著有六經解并三餘錄自號方山子

李鳴復

州人嘉定初進士歷大理少卿侍御史兼侍讀進對言荆襄制臣有當戒者三曰去

私禁暴懲怒工以為然

立遣樞密院大學士

先甲龍

州人唐先汪齋孫同慶中進士退居安樂山講九經有讀書藏

元劉植

州人為國子大司成博學工文著名於時

明張俊

州人永樂中解元登進士授御史累遷都御史歇歷中外卓有聲稱著書立言鄉評

信服

朱子和

州人嘉靖間進士有異才補刑曹有勢家奴犯法論如律典江西試稱得人僉憲浙

江以能吏稱著有初溪集藏之家子恭官參議姪藻官辰沅副使俱以治行聞

王朝璽

州人嘉靖乙卯鄉薦任山東齊東縣以清介著節及歸囊橐蕭然適邑大饑罄粟賑

貧窮民壽

九十六歲

李鏊

州人嘉靖中舉孝廉自幼以孝友聞授平江教諭捐俸以修學舍及為長子令備邊

儲化強暴興革利

弊當事薦為循吏

李惟觀

鑒子嘉靖進士初為寧國理刑平反冤抑民祠祀之拜御史建言崇正學等事皆見

嘉納擢湖廣僉事平金岡大寇轉

陝西叅議致仕歸著有西臺疏草

何其賢

州人領鄉薦二十餘年未嘗一至公庭令湖廣通城有剽盜匿大姓家其賢密計擒

之人稱神明出俸金以謝干謁留意刑獄民無冤抑以憂早禱雨勞瘁致疾卒於官士民號泣送柩

抵里里

人榮之

韓愈

州人嘉靖中進士性耿介為吏部考功郎舉察咸當時布政使張翰參政張冕有時

名為言者所諷愈力解之署文

選杜請謁抑僥倖權貴切盡

張天秩

江安人舉明經任瀘州訓導好練習兵法以從征改選佐均徭役省里甲邑人受其

惠

董邦理

合江人號少原嘉靖間進士任廣平推官民間有卻狐裘辯冤獄之誦擢戶部員外

奉使過里辛

崇祀鄉賢

周萃

字正宇合江人萬歷中舉人任雲南保山令後知滕越州俱以清廉著致仕歸里德

望益高屢舉鄉飲正賓
壽九十卒崇祀鄉賢

陳忠

合江人貢士才識明敏官刑部郎以能平反洗冤抑著聲

陳珪

合江人貢士樂道安貧任宿州學正每教人看取本來生意致仕歸人思之為勒碑

馬晚年研究十三經俱有解另著格致錄

馮任

合江人舉孝廉博極羣書居官囊橐蕭然在家不入公門有司重之

趙杰

合江人舉孝廉守新興開創學校請革銀場士民肖像祀之乞休著述時與諸生言

忠孝辨義利士習丕變人稱為趙夫子有詩文行世

董翼

合江人號闇風萬厯中進士授湖廣益陽令厯官貴州巡按有直聲曾為本邑請除

免錢溪倉銀里人懷其德云

董為

合江人號元圃萬歷中舉人授河南內鄉令歷官苑馬卿後以平涼討賊有功致仕

歸著陰陽集行世曾為邑民代輸門堂銀里人感慕之

曾震

合江人進士才高學瞻博通九流備兵榆林製有代漕陸舟法極精巧其遺制人多

購求之

曾海寬

州人善詩家貧不仕授徒於合江常晚浴渡口得遺金七百盡還其主又以學資給

鬻女償官錢者其人納券授女寬焚而遣之

直隸資州

漢王

褒

州人字子淵宣帝時刺史王褒嘗請褒作中和樂職宣布詩命士依鹿鳴歌之帝聞召見褒

遂薦褒有軼才詔徵褒進聖主得賢臣頌上嘉賞令待詔數從行幸褒輒有歌頌受賜甚多擢諫議大夫後方士言益州有金馬碧雞之神帝使褒往祀焉卒於道

董

鈞

字文伯資陽人習慶氏禮永平初為博士時草創郊廟禮樂威儀章服多從鈞議世

稱通儒累遷五官中郎將

唐范崇凱

內江人善屬文明皇命作花萼樓賦稱為天下第一弟元凱亦有文名時號梧岡雙

鳳

宋孫光憲

仁壽人博學多智少遊荆南高從誨署為從事累官祕書監宋兵討張文表假道荆

南光憲勸繼冲曰中國自周世宗時已有混一之志今宋帝規模宏遠不若早以疆土歸之則可免禍繼冲從之太祖悅授光憲黃州刺史光憲聚有書數千卷搜閱不倦自號葆光子所著有荆臺集等書子謂謹

並進士第

龍昌期

字起之仁壽人大中祥符間註易詩書論語孝經陰符道德篇韓魏公使蜀奏授試

國子四門助教慶歷中文潞公奏授守校書郎府學講說明鎬薦為太子洗馬致仕著禮論諸書羽翼先儒時多稱之

陳佑

仁壽人熙寧中進士官至右司諫嘗言朝政不清由奸人抵毀善類乃劾論章惇蔡

京蔡卞郝隨鄧洵武等忤旨出判滁州後入元祐黨籍

韓駒

字子蒼仁壽人少有詩名著詩法呂仁作江西詩派圖駒與馬登政和進士除秘書

省正字累直學士院嘗撰祀明堂園壇方澤等樂章典則合體駒嘗從蘇轍學轍許其詩似儲光義曾端伯亦謂其文乃臺閣之文所謂官樣者

苟簡苟聿

資陽人兄弟名振元豐間及宣和中同對策排斥奸佞簡遂為蔡京所殺聿以

三舍生授

營州文學

何桌

字文鎮仁壽人政和中進士第一累官御史中丞論王黼奸邪專橫罷之遷中書侍

郎右僕射隨欽宗北幸被執不勝家國之恨仰天大慟數日不食死弟棠弟栗俱有時名號為三鳳

虞允文

字彬甫仁壽人七歲能屬文紹興間進士累官中書舍人直學士院金完顏亮兵入

江淮孝宗命葉義問督視江淮軍馬以允文參軍事義問敗績返建康允文收殘卒大敗北軍於采石北軍走揚州內亂猝發捷圍上大喜曰允文朕之某度也後封雍國公卒諡忠肅著有文集行世

李石

州人以文學著名紹興間為校官乾道中為郎歷秉麾節坐與趙子直善觸執政怒

以是晚年困抑有方舟集七十卷

趙之禮

州人字安道有遠識意氣豁如好義尊賢以孫雄貴累封少傅薛鄭齊三國公

趙達

州人讀書數行俱下紹興中對策擢第一為秦檜所忌授僉事餉南川東後累遷至

中書舍人高宗嘗稱其純正可嘉又以文章似蘇軾稱為小東坡有棲雲集三十餘卷

趙雄

之禮孫初除正字召見極論恢復之策孝宗大喜以中書舍人使金與金人辯論不

為屈金人謂之龍圖累官叅知政事拜右丞相朱熹論時事上怒雄言熹慙直罪之適成其名乃止後求出知瀘州光宗即位雄上萬言書陳修身齊家以正朝廷之道甚切直及卒諡文定

李舜臣

字子思井研人八歲能屬文及長應詔入京上江東勝鑑十篇乾道初舉進士對策

論南北無可和之義出知德興縣專尚風化稍遷至宗正寺主簿卒為學遷於易著本傳三十篇後贈太師封

崇國公

陳咸

仁壽人富文學遇事機敏登淳熙進士累官利州路轉運判官吳曦反咸不受偽命

事聞遷朝請大夫後以實謨閣待制致仕

虞剛簡

允文之孫弟兄八人皆好學而剛簡最知名累官利州路提刑有治績嘗與魏了翁

范仲輔李心傳講學蜀東門外得程朱微旨著易書論語說以發明其義蜀人師事之嘉定中屢召

不赴子珪知連州亦以文學知名

張方

字義立資陽人慶元間進士歷簡州教授知果眉二州提點利夔成都路刑獄兼四

川制置使衆議官以母老辭歸廉明剛介見義必爲又爲文戒後生好尚之偏務高忘本之病其言足箴叔季膏肓有烹泉遺稿一百卷

李性傳

字成之舜臣子嘉定中進士累官起居舍人兼侍講上疏論人君喪禮嘗進讀仁皇

訓典帝從之累官吏部尚書淳祐中拜端明殿學士衆知政事同知樞密院事後以觀文殿學士致

仕贈少保

李道傳

字貫之性傳弟讀程氏書玩索至忘寢食登慶元初進士歷官著作郎篤於踐履氣

節卓然出知真州提舉江東路常平茶鹽以

惠愛著厯遷兵部郎中後出知果州道卒

李心傳

字微之道傳弟慶元初開戶著書以崔與之魏了翁之薦為史館校勘尋撰中興四

朝帝紀後遷著作郎詔重修十三朝會要書成遷工部侍郎致仕所著書數百卷

牟子才

字存密井研人嘉定中進士為史館檢閱入對首言大臣不公不和六事次陳備邊

三策理宗命宰相優擢之會史嵩之專政忌子才遂出判吉州後累擢禮部尚書以資政殿學士卒

鄧若水

字平仲井研人嘉定間進士為太學博士奏數千言請正史彌遠之奸丞相喬行簡

大駭即出若水通判寧國府數月又以言罷遂不復仕學務躬行嘗削木為主大書自古以來忠臣

孝子義夫節婦
之位歲時祀之

黃申

井研人開慶間進士授德安尉調樂安丞廉謹有聲元兵拔撫州索降狀其僚屬聯

署以上申
獨抗不屈

牟應龍

井研人子才孫嶽子咸淳間進士除涑陽州教授以對策忤賈似道調定城尉宋亡

不仕父子自為師友
詩論經學皆有成說

元虞汲

仁壽人剛簡孫為黃岡尉徙居臨川與吳汲友善汲稱其文清而醇晚始起家教授

以翰林編修致仕與
子集槃俱有文名

虞集

汲之子隨父居臨川天性孝友弘才博學累遷奎章閣學士日取經史中切於天德

王道者陳進經筵凡奉顧問隨事規諫論薦人才必先器識一時大詔冊咸出其手有道園學古錄行世卒贈仁壽公諡靖子安民知安福州

虞槃

集之弟性方正少與兄從吳澂遊嘗著非非國語時稱其有識詩書春秋皆自論著

累官湘鄉州判官有巫稱神降者州長吏皆厚贈之槃訊得巫所為狀召鞠之並其黨繩以法人服明其

明杜

諒

資陽人洪武中貢生授莊浪令陞知通州有才能幹太宗渡江一夕成橋論功陞陝西

政參

黃貴

資陽人洪武中舉人知漢州陞監察御史以直諫著

蔡道成

資陽人洪武中貢生累官知長沙府遷河南布政使所在皆有治績

鄧謙

州人建文元年任滁州同知歷戶部郎中擢浙江左布政秉性剛直才識過人居家

持正訓子孫恪守

彝倫鄉人化之

向敬

州人永樂進士歷官大理寺丞讞獄多平反守武昌有政績卒僚佐檢其遺橐惟圖

書衣衾

而已

李蕃

內江人永樂間舉人博涉羣書授漢中訓導不就洪熙改元上端本十六策敷陳切

直宣宗即位擢兵科給事中差視沿邊城堡還言關堡虛空請城獨石等處清戎河南獻安養軍民

十餘事有奏議

詩文若干卷

汪洋

字仲寬資陽人貢士任蘭州訓導勤於教士都御史薦任肅州衛學博士重修學校率

勵諸生後告歸洋為人謙和平易處已接物事親交友居官臨事始終一致無可議者

李裕中

資陽人授湖廣荊州府推官涖政廉明豪強斂迹歷雲南副使擒剿夷寇邊徼晏然

冰菓之操
始終如一

李芳

州人拜監察御史論劾無所避正統間按貴州會計河等寨苗賊叛芳一鼓平之撫

其脇從諸

苗化服

蕭儼

內江人景泰間進士歷刑部郎中審錄多所平反陞雲南叅議河南叅議政時州官不

法逮巡按守巡官至京惟儼素有風力得免餘皆被黜尋陞貴州左布政使奏請頒樂器增解額俱

賜允後致仕卒所著有竹軒稿三十卷集皇明風雅廣選五十卷

田玉

內江人監生景泰間知桐鄉縣以軍功陞瑞州知州敦尚質樸政先惠愛一介不取

士民懷之

李臨安

內江人景泰間進士歷戶部員外博學工詩賢名蔚起家宰尹旻甚器重之卒於京

旻親臨哭弔惜其未大用云

張玉林

內江人幼以道義自重馬湖土官安麓聞其名延之師位為置產業室居之固辭而

返景泰間成進士疏言七事知壽張縣以古道化民不任刑法陞知州卒於途有靜庵集及語錄

鄧本端

州人景泰間進士拜監察御史有文武才成化間劉千斤等作亂偕號命本端督諸

軍討平之陞陝西兵備副使

劉時敷

內江人天順間進士任山東僉事齊魯大饑時毀抗議借公廩以救荒歎嚴兵操以

待調發巡撫題允行之以勞瘁卒於官

劉元

仁壽人天順間進士授主事歷雲南左布政清白自持惠政可紀里居時有巡方至

其家留之食惟肉二簋菜二品巡方敬慕之贈聯青策芳名達緇衣世澤長

李克嗣

內江人成化中進士任岳州通判府治去倉所十餘里小民憚暑難於肩運克嗣為

植柳道旁遂名李公隄累官河南布政使時值大饑多方賑救民賴全活巡撫南京開白茆港以通舟楫行人便之遷兵部尚書叅贊機務卓有風猷

劉瑞

時興之子少穎悟父奇之勉以聖賢之學登成化中進士武宗即位疏言端政本九

事逆瑾亂政誣以朋黨勒致仕奉母寓楚之澧州瑾誅詔起山西提學副使服闋補浙江以復古明道為已任累官南京禮部侍郎瑞歷事三朝終始一節所著有改本三國志童觀錄幼學稿數納稿禁垣奏草澧南錄雜序記碑序誌論序誌論議賦頌銘贊啓古今體詩若干卷藏於家

汪藻

內江人幼以奇童稱七歲補弟子員成化中登進士由翰林歷叅政首勅汪直王越

開邊釁立西廠章上罷厥遂貶直越朝宁肅然

蕭翀

內江人成化間進士官至右都御史總督兩廣軍務歷官四朝聲望赫奕居家儉素

自持鄉閭重之

高齊南

內江人由舉人任岳州府通判屢多善政甚得民心以子貴贈戶部侍郎

陳心學

仁壽人安貧好學不踰繩檢潛精易理著易經約解深得朱程理要以數奇不第

胡榮

井研人成化進士任刑部主事陞雲南參事通達治體獄無冤民後歸里以經授生

徒多所造就

馮積祿

資陽人任山東沂州知州清介剛方有趙清獻風內擢部曹以剛直忤權貴拂衣歸

結廬於水東武岫岡號水東居士足不入城市者三十年以詩書自娛尤篤於行義族有商於滇而道卒者積祿質田得貲付其子俾扶柩歸卹史繆文龍亦以清介自勵閭閻積祿高節造廬訪之歎服欽重立石碣題詩褒美焉

王一言

內江人成化進士歷都御
史巡撫陝西威望儼然

鄧應和

字永卿內江人令楚麻城廉潔豈弟吏牘
盈前不移晷而事竣尤好士折節下之麻

城紳士公評謂政學

兼長古人罕儼云

宋有文

州人成化間進士歷都御史巡撫陝西黜
奸去貪法紀肅然致仕歸囊無餘物第宅

一仍其舊人多其廉而

子孫亦甘守其貧云

高公韶

字太和齊南子性警敏負奇氣年十八舉
於鄉弘治己丑登進士授撫州推官徵為

御史按河東東粵秉正嫉邪獨持風裁霍文敏韜

倫祭酒以訓皆出其門下南海稱名御史惟公韶

為最比還京有中貴豪戚謀襲柳安遠侯爵公韶

執法鞠之又疏論王璉忤旨謫富民縣尉量移潯

陽令嘉靖改元詔復御史會有疑案三司不能決
公韶力剖其枉獄遂白全活千人俄以母疾歸母
卒躄踊幾絕久之復起陞戶部右侍郎懇辭致仕
優游林下二十年壽八十四卒所著有邑志補遺
讀史抄高

氏家訓

張潮

內江人正德間進士歷禮部尚書兼翰林
學士以文章知名當時德器溫醇操履端

正縉紳
稱之

張元電

州人負奇氣有風裁初為御史彈劾無所
避忤閹瑾改刑部主事後遷知保定府武

宗南狩江彬以無賄故誣繫獄弗屈尋奏釋之改
處州值黃巖賊起諭以禍福賊即遁去郡人感而
祀之後免官家居十三年卒
有石峰書法文集十餘卷

劉望之

字商霖內江人歷官南大理卿剛正有為初以給諫敢言為時宰所忌謫魏縣丞久

乃叅議貴陽撫戡苗夷有功轉晉布政使劾秦寧河王奪其祿入覲不持一錢嘗語人曰凡心上忍不過理上解不去法上行不得者決不可為卒年八十賜祭葬所著有一巖文集正韻便覽魏縣志等書子翺翺俱登進士歷官有聲為時望族云

劉翺

字元翰望之子嘉靖壬戌進士令渭南多異政召入為御史敢言極諫豪貴斂跡後

備兵浙江以討倭功受上賞晉大叅與時相議左喉其黨劾之而歸有西臺疏草若干卷藏於家

趙貞吉

內江人少穎悟絕倫讀書青神山有文名登嘉靖乙未進士試翰林庶吉士第一歷

學士大司成立朝謇諤遇事慷慨廷斥嚴嵩誤國謫戍嶺表隆慶初詔起侍經筵前後進講深切治

理皆見嘉納進大學士毅然以天下為己任與首相持議不合引歸率其徒講明理學四方從遊者甚衆萬厯丙子卒諡文肅詩文與楊升菴任少海熊南沙稱蜀四大家

趙占

字吉卿內江人與文肅公同登賢書筮仕華容令適湖泛隄圯豪右兼并為之正疆界復流移客民尸祝之已刺秦州丞襄陽以母老乞養人稱其孝家居不營生業惟以課子為事長子從先舉癸酉鄉試以文學孝行稱未仕而卒子孫世其詩禮焉

陳祖舜

州人授麻城教諭遷漢中教授為人剛介廉直在麻城奏劾御史不法狀在漢中奏保去任知府曹子徽復任其氣槩才負類如此嘗著覆瓿集若干卷趙雪航重之贊曰學博追聖賢之緒文富究經傳之義秋水滄雲泊乎素志寒岩古柏凜乎義氣

張萬鍾

州人任高安令高安舊俗新令至率有銀器為供具萬鍾辭不受更為其民償逋負

民德之及憂歸鄉居不履城市二十
年卒子孫發其篋司惟書籍而已

高鏞

字京甫內江人初以平陽令徵拜御史按江右時分宜柄政鏞行部不修私覲又逮

其家不法者無少徇竟以此失歡落職外補累官南曹郎遂致政歸篋無長物庭鮮干謁其事關鄉閭利害者則侃侃言之里人陰受其福焉

馬呈圖

內江人辛酉鄉薦筮仕鄆縣令治行卓越拜監察御史巡按貴州廣西廉明方正所

在人思至論列謀議闕切綱紀有古埋輪風

陰武卿

字定夫內江人七歲能文弱冠登省試第一明年成進士以刑曹郎食闕中學憲冰

鑑絕人分守江右九江鄱湖盜藪為之一空尋以陝西布政司入加太常卿會舉籍田郊祀饗陵諸大典善為威儀進止甚都上目屬之未幾巡撫保定又未幾協理院事歷侍郎六載晉南司空改大司馬焦勞體國旋以疾卒所著月溪文集若干卷皆經世大畧

馬升階

字汝弼內江人領鄉薦應禮部試聞王陽明講學東南毅然向往購其語錄誦之有

當於心遂決意性命之學謁銓授武陵令豪猾斂手招貧民復業者三百家尋以直道忤上官歸士民刻像祀之生平潛心理要垂老不倦所著有宜山集畧省躬慎思二錄易義會通二氏旨要諸書合十餘卷行世

鄧繼曾

州人拜兵科給事中上急脩省惜名器飭戎改正禮弭災諸疏又劾戎將之不職者

皆見嘉納隨又勅宦官擅權下獄謫金壇縣丞在治復廢田三千餘頃溧陽崇山民聚衆爲亂檄公平之陞無錫令請寢增賦三萬餘石民立生祠尋罷復起令寶應擢知維摩州歷寶慶徽州知府俱有遺

愛

宋翰

州人任昆明令政尚寬平當路以吏事責之遂浩然乞歸居家嚴整以詩史自娛非

公事不至公門縣令以金遺之固辭不獲後令解任翰盡還之封識宛然卒年九十餘

蘇秉彝

州人家貧嗜學歷學諭陞國子助教所至有聲以母老奏改蜀府教授病革猶與趙

文肅貞吉講格致性命之學至

夜分乃罷明日整衣冠而卒

龔懋賢

字晉甫內江人隆慶丁卯與兄懋賞同科於鄉戊辰成進士令廬陵奏最選授御史

按東粵懲貪勸廉海忠介公深服之時京師大旱
詔求直言乃上五少三多疏謂天下任事之臣少
朝廷心膂之臣少兵少財少公論少為五少天下
刑獄多冗費多議論多為三多疏入報開觀察河
南為忌者所中遂堅意求歸所著書
有明法堂稿學業通古本參同註疏

蕭如松

字心甫內江人舉孝廉任貴陽司理擢留
臺侍御防江視屯積弊一清會礦稅起虐

瑞煽焰監司守令被逮累累屢疏論救言甚切直
累官至大理寺丞所著有留臺疏經制要畧洗冤
要覽
諸書

周嘉賓

內江人癸未進士令范陽金谿加意拊循
吏民懷畏歷陞儀部郎首嚴各藩請封查

勘文冊以廣朝廷敦睦之
典諸實悉除宗藩賴之

張堯臣

字希夔內江人進士歷戶曹出守鳳翔多惠政備兵江防嚴捕剽掠長江賴以無虞

遷雲南鳳酋授首堯臣與有餽餉勞歷陞布政使滇秦皆俎豆之

張季思

字以誠內江人任御史京師大饑請發倉以賑會憲闕中值西夏變督餉不置陞山

西叅政愛恤商民議藩封諸事皆稱碩畫請告甫三月無疾而逝

陳

紀

字維修內江人舉孝廉由溧水教諭遷大興尹尋主戶部河南司事紀體貌碩偉江

陵相張居正嘗於朝班見之期一識面謝不往居正有牡丹園園丁負逋紀寘於法朝紳甚壯之

高 察

字汝哲內江人仕至廣西布政使以不赴江陵父喪註年老休致歸時年四十有五

察歸儲書虛白樓蒔花種竹不問戶外事論者謂其淵博似子長汪洋似叔度清約似淵明云

馬魯卿

字道傳內江人登進士除蓋屋令語客曰吾不解為今令也客曰稍利方為圓耳答

曰方可利乎隨請改為松江府教授累遷鳳陽守繼補溫州吏治整飭入為水部郎外轉雲南按察司副使未幾致仕歸以子鳴鑾封中丞

馬鳴鑾

字若御內江人幼從大父宜泉公口授經史輒能成誦趙文肅貞吉一見嘆曰此國

器也登萬曆甲戌進士歷右都御史兵部侍郎總督宣大卒於官鳴鑾敦厯中外偉績甚多所著奏議及籌邊尺牘鳳麓稿總若干卷

鄧林喬

字子正內江人累官至僉都御史巡撫大同在邊三封名王十經貢市勞勩甚著晉

總督陝西三邊軍務命至而林喬卒已旬日著有平旦悟言三封錄等書

何起鳴

字應岐內江人以盤屋令徵入禮垣尋掌科事請蠲逋負帶徵者以萬計奉使入蜀

請減川西溢額課革金堂黃灘魚塹桑梓賴之累官至大司空提督壽官所省財用無算屢疏乞歸上勉徇其請時二親猶無恙朝夕承歡里人以爲榮又以賜金畫推讓諸弟其天性孝友如此及卒邑人請於當路建專祠祀之所著有蓄德要覽教言奏疏諸書父祥亦以理學崇祀

蕭柿

字子先內江人侍御世延子弱冠領鄉薦知昆陽州陞楚雄同知以迤西督餉報最

遷陞激江知府以清白稱郡多礪利毫不染指

梅友松

內江人任工部郎營繕悉當權叅議累官延綏巡撫嚴守備勤訓練諸番懾服晉都

御史兼兵部總督三邊條上十二事皆報可旋致政歸徜徉里閭所著有奏疏九子山堂稿藏於家

周世科

內江人進士居郎署最久政府家宰俱同年人謂一通候京卿可立至世科終不往

尋補僉事未任而卒
子永豐能世其業

余之禎

字善先內江人弱冠舉進士起家襄陽司李吏治精謹以卓異稱任終甘肅巡撫薨

邊禦番功在疆域賜
宴紀錄士大夫榮之

鍾應麟

字孟仁內江人歷知宿州宿值歲旱民半流徙應麟多方慰撫民獲安堵中州紅賊

陸梁擒其魁劉養性等
數百人以卓異紀錄焉

張應登

字玉車內江人歷吏兵二科給事中任山東憲副以邊才調龍右應登性慷慨風裁

峻整在諫垣日多所論建如請兵食清戎政罷楚師置三省總督覈東征功罪論西討戰撫機宜皆

能稱旨時構
為名給諫

張問達

字德孚內江人七歲能文由樞李令入為御史論蒲州相左遷浙運判聘主書院分

校鄉闈皆得人以萬安令起南戶部郎條上七議皆允行之

馮珏

字陽人天啓辛酉鄉薦初授浙江武義縣令疎舊無城郭寇賊竊發民苦之珏捐修

城垣周十里許民以無虞又俗多溺女珏婢公嚴禁之復刊示化諭民革其俗累官金衢二郡同知郡人思其德建祠祀之

王範

字慕吉內江人崇禎辛未進士知丹陽縣操持清白遇事勤敏公餘寢處廨後一室

三年未嘗入內行取御史巡按浙江風裁峻厲以忤時相轉僉事蜀亂寓居丹陽丹人素德之歲時

贈送薪米不絕子于

審于宣俱登科第

徐佩弦

仁壽人崇禎辛未進士知崇仁縣在任八年興學造士潔已愛民值歲屢歉賑活者

以萬計行取南部主事尋陞撫州知府因寇變歸里為人慈祥豈弟能敦睦桑梓壽八十五終

直隸綿州

漢杜貞

綿竹人誦書百萬言嘗言兵事於翟鵬鵬免後尚書令與司隸劾之復逮詣獄貞上

章救之受鞭笞六十獄中明醵無罪京師壯之以時衰亂散財施宗族不應公車辟卒於家

劉寵

字世順綿竹人明公羊春秋上計除成都令政教明肅治安漢鄴郡皆著績還祥柯

太守自乘一馬布衣蔬食儉以為教吏人為之立銘

景毅

字文堅梓潼人太守丁羽察舉孝廉司徒舉治劇為沅陽侯相高陵令立鄉學以禮

讓化民遷太守以子顧師事少府李膺膺誅自表免官久之拜成都令遷益州太守值益州亂後毅至恩化暢洽鳩鳥巢其廳孕育而去三府表薦徵拜議郎自免歸劉焉表拜都尉為人廉正疾淫祀敕子孫惟修善為禱仁義為福年八十一而卒

楊充

字盛國梓潼人少好學求師遂受古學於扶風馬季長呂叔公南陽朱明叔潁川白

仲職精究七經其朋友則潁川荀慈明李元禮京兆羅叔景漢陽孫子夏山陽王叔茂皆海內名士充遂教授州里嘗言圖緯非聖人之學不以為教舉孝廉為郎卒

邊韶

字孝先梓潼人教授生徒常百餘桓帝徵為大中大夫

景鸞

字漢伯梓潼人少遊學七州遂明經術選乃撰禮畧河洛交集風角雜書月令章句

凡五十餘萬言太守命為功曹察孝廉舉有道博士徵不詣然上陳時政得失又戒子孫以人紀之禮及遣令喪葬務從節儉云

韓

揆

字伯彥綿竹人為邑令綺哀主簿時黃巾賊入界哀為賊所得見害揆殮葬畢詣從

事賈龍求兵討賊大破之揆曰本報令君而苟自活非忠也乃自殺

鄭

度

綿竹人劉璋用為益州從事昭烈據涪城度謂璋曰彼客我主軍無轉餉仰給於我

今既與我仇不過野穀是資若盡驅巴蜀梓潼之民內守涪水以西倉廩野穀盡行燒除堅城勿戰不過百日彼將自走走而截之此成擒矣昭烈聞而怒之璋不從

蜀漢秦宓

字子勅綿竹人有學善談辨昭烈定益州

名建興

元年丞相亮領益州牧選士以宓為賢迎

為別駕尋拜左中郎將長水校尉居無何吳遣使

張溫來聘亮甚嘉溫歎曰江東孤蘆中何意生此

奇才因欲見宓於溫溫將還設供帳東門外百官

往餞宓獨後往亮數使使促之及至與

溫問答如流溫大敬服累遷大司農卒

晉李

驤

州人與成都杜軫俱為尚書郎齊名一時每有論議朝廷莫能折人稱蜀二郞

南北朝李膺

字公輔州人有才辨為涪令劉季連反

人或說以民多詐藏若檢籍發之所獲必厚膺諫

曰前有嚴敵後無繼援小民始附於我觀德若糾

以刻薄衆心必離雖悔無及膺請出

圖之乃率富民上軍資米得三萬斛

宋楊允恭

綿竹人少儻任俠初丁德裕討賊至州允恭以策干之署綿漢招牧巡檢太宗時

捕海賊累官荆湖江浙都巡檢使允恭有心計好言事子可咸平初進士善屬文有吏幹詔試戶部

鹽鐵判官歷知洪宣潤壽潭等州累遷至都官

員外郎第告累官右諫議大夫授江寧知府

魯交

字叔達梓潼人刻苦力學長於詩仁宗手錄交清夜吟賜天臺山僧嘉其清絕也仕

至虞部

員外郎

楊繪

綿竹人少奇警讀書五行俱下登進士第通判荆南府遇事迎刃而解仁宗愛其才

神宗時知諫院改兼侍讀繪以諫官不得其言則去不拜後累官翰林學士繪表裏洞達一出於誠

為縉紳

所重

宇文之紹

錦竹人舉進士為文州曲水令神宗朝上疏論時政不報遂以太子中允致仕

歸年未四十自強於學不易其志司馬光曰吾聞志不行願祿位如錙銖道不同視富貴如土芥今於之紹見之矣

張浚

字德遠綿竹人登進士第高宗時平苗劉之亂有社稷功秦檜柄國惟浚始終不主

和議累官僕射知樞密院事封魏國公卒諡忠獻

張栻

字敬夫浚之子穎悟性成以古聖賢自期仕為直秘閣浚開府治戎栻內贊秘謀外

叅庶務嘗以軍事入奏孝宗異之召為吏部侍郎每召對皆言修身務學畏天恤民等事後知江陵府卒諡曰宣栻間道甚早與朱熹為友熹嘗許為大本卓然學者稱為南軒先生淳祐初從祀孔子

廟庭著有南

軒文集傳世

張杓

試之弟以父恩累官知袁衡二州有能聲
提舉湖北嘗入奏事孝宗甚喜杓天姿高

爽吏材敏給累官端明殿學士知建康府又尹臨
安南渡以來京尹以杓為首子忠恕治郡以賢能

著官直秘閣在朝累

陳諫疏有祖父風

張洽

試之孫嘉定中揚州司理叅軍有獄囚久
不決洽鞠得其情杖救之有弟兄爭財者

洽諭之曰訟於官祇為吏胥計且冒法以求勝孰
若各全手足之愛乎辭氣懇切訟者感悟後為白

鹿洞書院長選諸生好學者

日與講論務發明理與云

元鄧文原

州人博學善書初為杭州學正累官翰林
侍制出命浙西廉訪司事時有吳興民夜

為長身者刺其脅而死有司執值初更者使服文
原鞠之得真殺人者人以為神後遣集賢直學士

魚國子祭酒卒諡文肅有文集

明霍繼宗

安縣人永樂貢士擢御史剛正不阿天子
器之巡按山東摘奸除弊風采赫然祀鄉

賢祠

金爵

州人天順間進士任太僕寺累官廣西左
叅政素履純篤不言人過居官以仁恕為

主所至
有聲

金獻民

州人進士歷湖廣按察使為政剛明不避
權倖以忤逆瑾罷歸尋召進都御史刑部

尚書掌院事持大體不事瑣屑糾劾彈舉臺中肅
然進兵部尚書嚴明精察銓次武籍卓然不紊

金臯

州人正德辛未進士選庶吉士授翰林檢討歷右春坊右贊善充東宮日講官多獻

沃大禮議起叩閣伏蒲達繫錦衣獄仆於闕廷謫荊州府推官歸以詩文自娛正直端方為世楷模所著有谷

菴詩稿

金深

州人少負大志博通今古善詞章弱冠領鄉薦中嘉靖癸丑進士觀工部政郎請告

歸足不出戶手不釋卷性嚴重以規矩自閑鄉人多敬憚之年八十無疾而卒著有緋江詩集

余貴

州人舉孝廉由司務歷員外知黎平黃州二郡化夷弭盜鑿井修城歸里後所行種

種皆造福事鄉

黨人多德之

李美

字充實州人進士知新淦縣值宸濠變與義兵攻截江上破其軍入為御史

張雲翰

德陽人由進士任給事中上軍執書奉奉以進拔人才遵崇正學為說又以策獻大

司馬王顯極盡備邊之方任至山東參政

羅世守

德陽人以明經令江州有富家被誣告者乘世守出投狀與中展視曰午飯一食代

金三百世守遂書狀尾曰做官受私賄虧心又害理敢因一食飯喫盡子孫米辭不受尋以母老歸民家祀之

易以巽

安縣人萬歷甲戌進士歷雲南廉使決獄明允加大理寺卿歸卒祀鄉賢

趙宗普

字聖符安縣人由鄉貢仕潛山令邑當流寇要衝兵凶相繼宗普抵任冒死為民請

命正供悉免流亡漸集尋攝宿松篆一以撫字為先往來兩邑士民均感其惠適年實授宿松為政

愈從寬簡遂舉清虛第一有棠陰兩邑皎月一簾之句陞儀部郎卒入名宦祀鄉賢

劉夢

錦竹人性謹默不言人過不以勝氣加人好美樂施終身如一子舉鄉薦孫宇揚由

舉人官至大叅宇烈兵部侍郎宇

亮官大學士人稱夢積德所致

劉字亮

字蓬珪夢之孫登萬厯己未進士選庶常平生個儻好奇以經濟顯又素慕里中張

魏公之為人凡館中經筵日講以及起居注誥勅撰文等事一切不與同官皆笑之閒居無事率子弟童僕角射或親與格鬪以習武事累官大學士為首揆戊寅督師至真定與總督孫傳廷合營首勦天津帥劉肇基迨迨詔即軍中新之亮又再疏請寬奉旨切責罷歸長才遠志未竟厥施公論惜之

李冕

梓潼人天順間進士成化中歷湖廣僉事征剿辰靖叛夷擒獲水西寇有功陞福建

副使持憲有聲尋陞陝西按察使嘗與周瑛講明聖賢之學學者稱崇岡先生有崇岡集

直隸茂州

宋謝方叔

威州人嘉定中進士歷監察御史多所建明累遷給事中兼侍講淳祐中叅知政事

封永康郡侯拜右丞相

兼樞密使進封惠國公

明沈連

州人有隱德永樂中上封事請設州學始建學立師風化以開祀鄉賢

支鳳

州人性剛介孝友以明經授乳源令清慎自矢民受其福解組歸士負笈從之教人

以躬行為本不屑屑文藝家居端整雖燕居無惰容

晏子綸

字仲誠州人茂僻陋未有科第乃奮然負笈遊成都交諸文學講究經義遂中弘治

乙卯鄉試授陝西乾州知州為政有古循良風後改雲南賓州致政歸惟杜門訓課子孫雖臥疾不

倦云

唐宗智

州人歲貢以孝弟聞仕廣東羅定同知有治績

陳朝儀

州人嘉靖中舉孝廉知阿迷州陞雲南府同知性醇厚政多愷悌以憂歸杜門不出

鄉里

高之

吳洸

威州人由選貢歷武定府同知有治劇才騰永之役以築城功受上賞初為臨潼令

考最擬授御史會臺長以資格撓之遂遠州守云

吳 礪

歲州人歲貢歷河東運副醴政肅清歸里時止圖書數篋鄉人重之

直隸達州

宋杜仁偉

州人為馬步軍都指揮淳化中李順作亂仁偉罄家資給官軍討賊斬獲甚多以功

授檢校太子賓

客達州別駕

王 汲

州人嘉祐中嘗作天將以夫子為木鐸賦多士以為矜式因呼王木鐸後舉進士官

至梓州通判多政聲弟昌熙寧間進士任黟江令元豐中景靈宮成昌作賦獻之辭極雅麗又有太

平謹議

三江集

李 傳

州人元豐間進士欽宗居東宮時傳與耿南仲俱侍講及即位賜水晶斧以旌其德

後知
漢州

羅戩

州人以剛直聞游太學進孫吳二書徽宗
幸學集百官蔡京坐而談兵戩哂之仰視

屋角觸怒歸自
號觀光山

王汶

州人任湖廣安鄉縣令撫字有
聲歸家好善樂施鄉里賢之

張大中

州人經史百民一覽不忘人目為書厨宣
和間舉進士授南浦令時攝廉吏累官果

州通
判

楊晨

州人宣和初試禮部第一丞相趙鼎薦其
才召試判蜀形勢論除贊督府機宜撫諭

西蜀吳玠餽遺過禮晨不欲
阻其意悲上督府以佐軍用

袁

沔

州人未冠遊太學靖康中金兵圍城上書言當東募成臯西臨沔池以銳卒擣其巢

穴則城下之師自解不報已而城陷沔歸漢中乃畫防險五事其後膺薦復條十二事力抵諛佞用

事者忌之沔度不

見用拂衣而歸

王

賓

字觀國東鄉人紹興十八年王佐榜進士授從政郎大安軍教授致仕歸以廉孝化

其鄉人時號其地曰觀化里

明唐

仁

字秉元州人景泰中舉孝廉任吏科給事中封駁內外章奏斥廷臣不職者人多憚

之

袁

達

州人成化丁未進士性聰敏讀書一目成誦廷對日試喜雨詩稱旨授庶吉士

黃元白

字用章州人嘉靖丙戌進士擢兵科左給事中力詆權貴幾罷廷杖者二尋分守陝

西邊境肅清去日軍民至泣下
所著有文集若干卷藏於家

王以修

州人嘉靖中進士歷松江嘉興二郡太守剽盜賦決訟政聲卓然

衛承芳

字君大號淇竹州人隆慶初進士歷吏部尚書加太子少保承芳聰慧嗜學善屬文
工草書尤長詩律數歷中外一以清白自矢歸葬
日子孫至鬻田宅以畢喪事諡清敏崇祀鄉賢

廖恒吉

字思德州人進士由戶部郎參
滇藩度支政事文章兩相濟云

四川通志卷九上

欽定四庫全書

四川通志卷九下

皇清人物

成都府

張吾瑾

字石仙金堂人性純孝母疾篤日夕禱於神請以身代沈疴漸愈人稱孝感順治甲

午科鄉薦第五乙未成進士授山東夏津縣令擢行人兩與文闡分校德州田司農雯武清李中丞燁皆出其門後致仕歸里非公事不出因都江堰為成都七州縣水利力請當事修三伯洞古埭里人德焉著有韻符齋集邑人公舉崇祀鄉賢

唐大陶

成都人順治丁酉舉人康熙十年知山西長子縣以經術飭吏治公庭清暇有調鶴

鳴琴之趣未久去官人皆惜之

楊兆熊

什邡人康熙己酉舉孝廉任湖廣漢陽令多惠政後解組歸里教授生徒原本經術

粹然一出於正

以上人物

重慶府

李芳述

字贊芝合州人康熙十九年勇畧將軍趙良棟從白水江入川芳述率先納款隨

大兵進勦吳逆餘黨收復滇黔累官西寧總鎮擢貴州提督整飭營伍懾服苗蠻加太子少保卒於官

贈

太子太傅鎮遠將軍諡壯

敏以上崇祀鄉賢

簡上

字謙居號石潭巴縣人性至孝幼值歲饑嘗孤身百里外負米養親順治辛卯舉於

鄉知直隸鉅鹿縣事以廉能擢吏部文選司郎中提學江南後補廣西右江道所入俸多分給族黨

貧乏著有四

書彙解行世

劉如漢

字倬章號雙山巴縣人順治乙亥進士選庶吉士受職檢討後補兵科給事中章數

上皆報可累遷副都御史巡撫江西未抵任丁外艱哀毀骨立尋以疾卒卹典甚優

覃銓

字公簡巴縣人癸丑歲貢吳逆迫以偽職銓百計逃免後家居授徒多所成就

苟金徽

合州人康熙甲子登賢書性孝友潛心理學初任廣東曲江令以卓異陞廣西新寧

州牧丁繼母艱慟甚抵家三日卒以上人物

保寧府

張思房

閬中人累官貴州黎平府知府改陝西鞏

折衝禦侮不少挫致政歸十餘年
屢舉鄉飲大賓以上崇祀鄉賢

劉沛先

字棠溪閬中人性沈默寡言笑順治甲午
舉於鄉任山東東阿令擢刑科給事中逮

兵科掌印給事條陳蜀中轉運情形蜀疆無匱乏
之虞秦民省轉輸之苦

聖

祖嘉納之後以目

疾歸里尋卒

王來熊

字夢叶劍州人順治丁酉鄉薦性剛
介任河南新野令宦歸囊橐蕭然

趙弘覽

字僧照劍州人少遭亂未嘗廢學中順治
戊戌進士任江西廬陵令以憂去補江南

虹縣令有德政虹
人感之祀名宦

冉德

廣元人康熙丙午舉於鄉避吳逆徵聘逃
匿深箐中賊刼其父德奔救臨以刃弗去

賊義而釋之蜀平遷
陝西西寧縣知縣

李先復

字曲江南部人康熙壬子舉人初任山東
曹縣令後補湖廣大冶縣有惠政行取浙

命
輓運

江道御史歷官兵部左侍郎西陲用兵奉
軍需至巴里坤晉工部尚書雍正元年致政歸囊

無餘貲然性喜施與每甘淡
泊以周貧乏以上人物

順慶府

趙心抃

字清章西充人壬子鄉薦任山西太平令
報最擢兵科給事中章疏十上皆闕國計

條陳蜀省事宜尤中時弊解官歸杜門却掃鄉人
念爭者輒婉言開道多所感悟以上崇祀鄉賢

郭榮貴

字仲禹渠縣人性任俠明末羣寇蜂起榮
貴首倡義率弟榮高反族里數千人築砦

大斌山為保障計會賊吳應元驅眾二萬焚掠鄰
水大竹將至渠榮貴詭詞約好乘機殺應元及左
右數十人眾驚潰順治戊子秋賊楊秉印眾數萬
踞禮義城與斌山對壘相持一載榮貴乘間走成
都投撫軍李國英請為前驅國英遣總兵盧光祖
馬化豹統兵從榮貴破之東北二道始入版圖

陳瑞

營山人中順治辛卯鄉試會多盜率鄉勇
力保地方歲大饑與弟瑗設場給粟存活

甚眾後任湖廣永陽令以
賢能著未人建祠祀之

陳

瑗

瑗之弟順治辛卯與兄同舉於鄉知
河南鄆城縣著有四書稟解行世

高儀坤

字寧一西充人性孝友順治甲午薦於鄉授浙江平陽縣令卒於官無歸窆資平陽

民號泣斂賻

送櫬歸里

羅為康

字西溪南充人順治甲午鄉薦任浙江孝豐令民德之立祠祀焉擢行人致仕歸里

馮天培

字默佑西充人順治甲午領鄉薦第一任福建漳平縣知縣邑人德之耄年解綬還

鄉值歲祲炊粥賑饑存活無數

陳汝昌

營山人性嗜學值明季避兵奔走雖流離中手不釋卷順治丁酉科領鄉薦任江南

太平令有賢聲

黃世臣

字柱伯西充人順治丁酉舉於鄉康熙二年任夾江教諭日以經術與諸生相切劘

後遭江南來安知縣時值旱蝗世臣募民捕蝗滿一石者給錢一緡指五斗民爭捕以獻蝗不為災

陳辰

字補宸西充人順治丁酉舉人任山東鉅野令一介不取民稱其廉

蒲昌迪

渠縣人順治丁酉舉人任山東鄆城令陞山西絳州牧鄆人籲留不忍其去昌迪喜

獎拔後進鄆城庶常魏希徵絳州庶常李復泌等皆於布衣受知後致仕歸卒於道絳人請入名宦

王之麟

字呈祥西充人康熙癸卯鄉薦寡言笑人不敢干以私任廣東番禺令為政不尚苛

察

彭際盛

字於斯南充人康熙六年以明經任河南武陟令邑有沁水厯為民患際盛捐金修

築隄墾民得安堵歲丁未蝗蝻為災深夜虔禱蝗竟飛去後乞休歸民立祠祀之以上人物

敘州府

樊

曙

字旭東宜賓人明末以門廕襲指揮僉事博通典籍藉寇亂後家業蕭然躬耕養母弟

瞰流寓滇中老艱嗣息遣人迎歸為之置妾生一子吳逆迫以偽命力拒之年七十二卒著有楚澤吟

諸刻以上

崇祀鄉賢

宗敦一

字凌霄宜賓人前明進士知江南旌德縣愛民好士歷江南巡按督學御史

國朝督學順天

官至通政使

李迎駿

號青梅隆昌人前明進士順治間工部右侍郎德望政績卓然稱異

蕭

韶

屏山人歲貢生讀書天魁山一時從遊者悉經明行修之士當事額其廬曰儒林師

表後任間
縣訓導

李

謨

字米臣富順人中康熙甲子鄉試性孝友尤慷慨好義與友人楊文茲北上文茲卒

於都謨為經理後事扶櫬回籍後任河南太康令有廉名尋致仕歸依然寒素平居言動不苟教授生徒每以收放心為急務又謂聖狂之別須於起念處省察嘗設教崧山學者因稱崧山先生

鄒宗浩

屏山人康熙戊寅歲貢甘貧嗜學白首弗衰

胡相才

屏山人康熙己卯鄉薦力學不倦為一邑師表赴選中途病卒人甚惜之

樊敘倫

字仲彝宜賓縣貢生幼失父奉母避吳逆亂荒山之食覓糧數百里外為賊所得監

守甚嚴無計得脫會兵弁覓能書者敘倫稍見禮重遂以老母在哭告兵弁感動至深夜給米少許

縱之潛逃及抵母所母病且死敘倫呼搶大慟具棺殮時平扶舁歸葬人稱其孝

陳暉雯

字果亭富順人康熙乙未進士家貧力學自號破愚子任廣東樂昌令居官數年懷

清履潔昌人稱其有守以上人物

夔州府

程正性

字存存萬縣人順治十六年以貢生任北直開州州同陞河南睢州牧建學宮置書

院歲捐俸教育貧士遷雲南永寧同知以疾卒於官以上人物

龍安府

張偉奇

字素臣松潘衛人性孝友善讀書尤長於言兵康熙十一年拔貢因母疾侍湯藥不

就選家居教授生徒多所成就又獻策當事撫綏

誥封榮祿大夫以

上崇祀鄉賢

直隸嘉定州

杜廷玉

州人登甲子賢書性孝友文行高卓尤喜曲成後學生平好義樂施州人慕之合請

入祀鄉賢

朱軫裔

字三瞻嘉定州人性敦孝友歷患難如一康熙己酉登鄉薦任浙江景寧知縣慈惠

愛民人咸戴之歷任十五年陞南城兵馬司指揮使悉除陋弊尋以年老乞休至邯鄲道中病卒

鄒養浩

榮縣人制行端方康熙九年入庠後值吳逆據蜀屏居抗節不赴選舉

國朝恢復後始出應歲試食餽後登歲薦任重慶府學訓導課士之法以忠孝為本文藝次之士習丕變至今有進學之稱

吳良璧

字夢星榮縣人康熙壬子副榜吳逆叛據

康熙二十一年司鐸丹校講學不倦

楊歲

字聖與捷為人康熙辛酉領鄉薦由江安教諭卓異擢湖廣宜章令兼攝鄰邑俱有

廉聲解組後宜

民立生祠祀之

袁開聖

我眉人康熙丁卯舉於鄉家貧力學不倦邑人師事之由成都教授卓異遷江南奉

與令解組後奉興人繪像祀之以上人物

直隸邛州

植敏槐

字穉青邛州人順治辛卯鄉薦明季寇患邛郡書籍多燬敏槐家藏禮記存要一書

潛心研究承平後邛郡諸生治禮記者皆賴其傳築室白鶴山南教授生徒二十餘年學者稱鶴山

先生以
上人物

直隸潼川州

雍正十二年陞為所

張泰階

鹽亭人順治辛卯舉於鄉幼值寇變父被擄泰階哀求請代賊感動并釋之事繼母

孝撫諸弟友愛

甚為鄉里稱之

張象腫

字六飛安岳人康熙甲辰進士父母早逝每值忌日致奠盡哀如初喪始宰饒陽力

請裁減驛站邑多偷盜廉得首惡盡法治之盜風頓息擢知膠州設養生堂葺樂室撫嬰療病全活甚衆所著有

處和詩集

陳四聰

鹽亭人事親至孝孺慕之恩垂老不忘生平以誠信自矢尤好獎進後學士林奉為

範

張煥

字冲寰遂寧人教子鵬翮成進士歷官中外煥屢膺

封典淡若寒素刻感應篇修萬里橋廣行善事康熙五十二年入都門敬祝

聖祖六旬萬壽慰問良久

賜養志松齡扁額年八十有八卒

賜祭葬

以上崇

祀鄉賢

楊應魁

射洪縣人騰龍子精通滿漢文字
特用任敘瀘道實心愛民民咸感戴至今

頌祝

李仙根

字南津遂寧人順治甲午登賢書辛丑成進士

廷試第二授翰林院編修康熙六年安南黎維禧奪高平莫元清構怨侵殺維禧奪高平元清奔皈朝

聞仙根

以內祕書院侍讀加一品服充安南正使

勅諭黎氏

移元清於廣西南寧府且致書維禧責安南臣工誤國十節往復千端安南君臣始奉

詔後累官

戶部錢法侍郎生平工書法嫻文辭有安南使事紀要行世

張鵬翮

字運青遂寧人康熙庚戌進士授庶吉士由部曹出守蘇州遷河東鹽運使司歷兵

部左侍郎康熙二十六年

特簡浙江巡撫

欽賜懷冰雪扁額轉兵部右侍郎督學江南秉公校士尋

遷都察院左都御史

欽命回籍祭告江濱補授兩江總督又

命查西安蠲賑改授河道總督兵部尚書加

太子太保在任八年轉工部尚書進吏部尚書

雍正元年晉秩

太子太傅文華殿大學士兼吏部尚書卒於官

賜祭葬謚文

端

周嗣胡

字參兩號避菴安岳人年十有五補博士

弟子員留心帖括博涉經史累躋棘闈隱居教授大為士林推服晚年廬於祖墓絕跡城市以詩文自娛

彭士垣

遂寧人康熙癸卯舉人砥礪家修楷模一邑以上人物

直隸瀘州

曾亮

瀘州人康熙甲子舉人有同族孀婦子女孤貧流寓他邑亮移歸瀘郡經理其家婚嫁俱力任之授浙江鄞縣令視民如子力拯窮困逾年歿仕歸琴書外一無餘橐

李鳴珂

字名玉合江人淹貫經史著述甚富以上人物

直隸資州

胡世安

字處靜別號菊潭井研人少有異才事親孝前明進士選庶常分校禮闈典試兩浙

所得皆名儒我

世祖章皇帝擢為翰林學士遷禮部侍郎晉尚書

國初典章文物以及厯律多所叅定後官至大學士及卒

聖祖仁

皇帝賜祭葬

廕卹有加

王師保

字元變資陽人性廉靜以厚德著登前明鄉薦任五河令凡利民事多方區畫值歲

歉力請蠲漕米賑恤擢戶曹邑人扳輿泣送國朝以原官督理鳳倉設法轉輸著有成績後解組

寓五河年七十六卒民建祠祀之以上人物

直隸綿州

李鑑

字涵白安縣人前明進士任北直永清令以戇直忤權貴調湖廣黃陂有禦寇功累

遷宣雲巡撫

國初仍原官後總督宣大三鎮尋罷歸復起西夏巡

撫當榆林告警鑑生運帷幄不折一矢而靈州奏捷未幾寇復犯榆林鑑授方畧大破之又濬河道審賠糧剔弊除奸靈人深德之及卒

賜祭葬廕二子

張舜舉

順天籍進士四川綿竹人順治六年授陝西蒲城知縣皆蒲為王永強竊據暨底定

城市一空舜舉招集流亡又慮兵民難以雜處建立營房兵民俱便邑境以寧

白良王

字田生梓潼人幼有智計時土賊為害畫策捍禦庇護鄉鄰生平重義輕財於師友

間一無怯惜順治甲午舉於鄉康熙七年任山西高平令減浮耗除雜徭善政良多歷七載以廉能行取考授科員抵京卒高平人仕於者為釀錢以助殯殮焉以上人物

直隸達州

唐敬一

字慎齋達州人順治甲午舉於鄉歷官洮

沱敬一記得其狀後俱省釋又勘醴泉
盜案全活無辜甚衆以上崇祀鄉賢



四川通志卷九下